

ZINTU ZICITIKA

ZILUNGULULWA AA CISINSIMI



Atu kotamike mitwe yesu eno ku mupailo. Mwami Leza wesu, Cilenga mupati wa Majulu a nyika, Oyo wa kabusya alimwi Jesu kuzwa ku bafu, alimwi a upona andiswe kwa myaka eeyi iili zyuulu zyobile, lyonse ulapona kutondezuya Ijwi Lyakwe a ku Li bamba kuba bwini ku nzyalani anzyalani. Tuli lumbide kapati nkambo ka Busyu Bwakwe bwa Buleza kwa lino, kuziba eci, kuti tuli jisi kaanzambwene aaka kapati, kuteeti kwamana buumi obu, tuli jisi Buumi Butamani mu nyika eyo iboola. Twa Ku lumba, nkambo ka ceeci, Mwami. Elyo bulangizi obo, cijatilizyo ku buntu, eco citonkomene a kuba masimpe mu ciindi ca guwo lya mvula. Alimwi cindi maguwo aamvula aasika, imayuwe mapati kaapilauka, tula limvwa eelyo kwiinda ku lusyomo muli Nguwe inga twa pwayaula mayuwe onse.

² Leza, ko tugwasya sunu masiku mbuli mbo tuboola ku kutauka ku balwazi a bapengede. Twa lomba, Leza, kuti takukabi muntu mulwazi aakati kesu cindi twa mwaika masiku. Akube kuti bantu boonse baponesege ku Nguzu Zyako zya Buleza, boonse kuno a koonse ku cisi, ba zibelesyo zyakukwabana, akube kuti kutabi muntu uukompeme uzwa ku buyake buli boonse na kubungana kuli koonse sunu masiku. Akube kuti Muuya Wako ubaponye. Ko lekela Zuba ipati lya bululami, a kuponya mu mababa Aalyo, lipasuke, kumwaya mitunga ya lusyomo mu myoyo yonse mbuli mbo baswiilizya Ijwi, kubona kuyubuluka kwa Muuya Uusalala kuubalamya kuti Uci pona. Twa lomba zilongezyo eezi, Taata, mu Zina lya Jesu. Amen.

Inga mwakkala.

³ Twa langanya ncobeni kuti eci ncoolwe cipati kuba kuno sunu masiku, alimwi, ku—ku kanana ku bantu a ku kombela balwazi. Tu yanda kujuzya boonse abo bali ku masena mu cisi i—i ca kukwabana kwa matelefooni ku cisi coonse, alimwi sunu masiku. Elyo aboobo twa lomba kuti Leza ula leleka umwi aumwi wanu, kusyoma kuti boonse abo batambula Kristo cifumo eci bayo zuzigwa aa Muuya Uusalala a kupona cakusyomeka a kululama kuli Nguwe kusikila buumi bukamane ano aa nyika, buumi obu bufwika. Elyo mpawo balo, kwiinda mu kucita eco, bali jisi Buumi Butamani. Ta bakafwi mu bukkalo obo buboola, ku Bukkalo bupati obo toonse mbo tulangila ibuciza.

⁴ Lino tu yooamba, kuciindi no Ndi ciyeeya, kutali kwiinganga. Mukwesu Vayle nkwali aano, alimwi antela Ndi tamuboni. Njo. . .Sena inga Nda tuma mapepa aa bulembo ayo kuli nduwe cindi Nda joka kuzwa ku Tucson? Ndili alangide, ta ndi na kwaabala oonse pe, alimwi Njo atumina kujoka kuli nduwe ku ciindi ncoonya Nda sika ku Tucson.

⁵ Lino Ndi yanda kwaambilizya. Eci ikapati ku mabungano oonse, ikapati Kumbo, na kufumbwa ku masena ayo aayanda kuboola. Mukwesu wesu uulemekwa, Mukwesu Pearry Green, a i. . .Ngu mwaalumi oyo sikwaanza wa cibelesyo eci cakukwabana kwa telefooni eyi aawa. I Mwami wali kucibikka aa moyo wakwe kuboola ku tuswaya ku Tucson, a kutalika lubukulusyo ku Tucson, kuli nko tuyanda kasimpe. Elyo Mukwesu Pearry unooli mu Tucson. Ikuti na mu yanda ku mukwaba, amukwabane buyo aa ofesi yesu kuya. Ku nooli mu Ivwivwi 10, 11, 12, a 13. Wa kali cijisi aa moyo wakwe kwa ciindi cilamfu, elyo Nda kamwaambila kuti “nzila buyo ya kucigwisya ku moyo wako, koya uka cicite.” Elyo ngu mukwesu Munakristo, mulanda wakasimpe wa Leza. Elyo nywebo no bantu, mu Tucson, Ndi lizyi bayo lelekwa mbuli bakutausi kuya ku busena bumwi, andiza ku Ramada Inn na kufumbwa Mwami nkwabamba busena, ta cibambidwe kuno pe. Pele Ndi lizyi muyo lelekwa kwiinda ku kuboola, kumvwa Mukwesu Green mbuli mbwazibya kupandulula Ijwi lya Leza kuli ndiswe, andiza ku kombela balwazi, na kufumbwa ciliko mu mulimo wa bunanike bwa Leza kucita.

⁶ Akwalo tu yanda ku lumba Mukwesu Orman Neville, Mukwesu Mann, ku ciindi eci cibotu ca luswaanana a mbabo. Obo mbo Ndi lumbide loko kuba, ku beleka antoomwe a baalumi bali boobu mbuli Mukwesu Neville, Mukwesu Mann, a boonse abo bakutausi bambi baliko kuno. Ndi yeeyela kuti batambulwa. Ikuti na tamuna, kwiinda ku nkamu yesu ya babelesi a mbungano yesu kuno, Ndili masimpe kuti Leza ulamutambula kuno mbuli balanda Bakwe. Akube kuti Mwami amulongezye lyonse.

⁷ Lino, Nda buzigwa cintu cimwi ciniini awa, aa kagwalo kaniini ako kapegwa kuli ndime, ku. . .Ba ka jisi muswaangano wa basyomesi busiku bumwi kuno, aa nkamu ya basyomesi a madaikona, alimwi Ndi yeeya kuti bulembo bwabalwa cifumo cino kumbele lya mbungano. Cili, ngu cilengwa cesu ku cita eco. Mu mizeezo eyo ya kabambwa aa nkamu ya basyomesi a madaikona kuno mu mbungano, mu bwini, taikonzyi kubotezya bantu boonse. Ta konzyi kucita eci. Ta ndi jisi cintu comwe cakucita a nkamu ya basyomesi na nkamu ya madaikona. Ta ndi jisi akwalo kusala komwe cita kuti kwabula lubazu lwiinda, elyo Nde elede kuba kuno kucicita mpawo, Mukwesu Orman Neville ula bweza kusala oko kwabili. Nkabela tu leelede ku sainina ezi, nkaambo tuli

cibeela ca mbungano. Pele oyo muzeezo nkamu ya basyomesi a walo wa inkamu ngo babamba, tula baiminina cakumaninina, nkaambo eco ncobali ano. Elyo mizeezo yabo iili aakati kabo a Leza. Ta ndikonzyi, ndikonzyi alimwi ndikakonzyi, kwiinda ku nzila iili yoonse, iimpene ku muzeezo oyo. Elyo cintu cimbi, Nda kasigwa aa Mfulumende ya United States ku bamba muzeezo uuli oonse kujatikizya eco, aboobo ikaka muta ndilombi kuti ndilulamike mizeezo yabo. Ta ndikonzyi kucicita, alimwi ta Ndi kaswilili cintu kujatikizya ncico. Mwabona? Aboobo muta ndi lombi kucinca mizeezo yabo. Amu bone nkamu, eyo nje njiyo iibamba mizeezo. Ncibotu.

⁸ Lino muku citika cintu ca muswaangano uuboola, ci lakonzeka, ikuti na Mwami wayanda, Njo jokela kuno mu ciindi ca mvwiki zyone na cisambomwe, na cintu cimwi mbuli eco, ndiza ku muswaangano uumbi Munsondo. Elyo Nda ambilizya cifumo cino kuti Nda li kuyanda kukambauka aali *Leza Wayubununwa Mu Ijwi Lyakwe*, elyo ta Ndi kooba buyo a ciindi sunu masiku, alimwi, cantangalala, Ta ndijisi jwi lili kabotu kucicita. Elyo mpawo bantu, kuli batandila kuvula aanze mbuli baliko mukati, alimwi, antela kwiinda, kubala mabbaasi ayo a myootokala mipati a zintu ezyo zili aanze ku busena kuya a bantu. Bajula basikapepele, kumwaya ku buleya kuniini kwatanta aasyonto, inga twa cimvwa. Eli iyuwe liniini, iyuwe lifwaafwi kuzwa ku cikombelo, inga twali jata eelyo ku bulamfu bwa nkamu ya mayake. Elyo imwi myootokala ili ku bulamfu bwa inkamu ya mayake aakubwene, milongo ya myootokala, koonse akoonse, alimwi akonse a kwiinda mu tugwagwa, koonse ku cikombelo sunu masiku. Ta ndisyomi ku ciindi cili coonse, caboneka, kuti twa kasola kuba a bantu banji maningi basyankene mukati a koonse ku mbunga kwiinda mbo tu jisi sunu masiku. Aboobo tuli. . . Elyo banji, banji, banji bali mukunjila a kuzwa.

⁹ Aboobo ciba kutondezya, “Okokuli Mutunta, basikwaze bayo bungana.” Elyo a Nda ambe kuli ndinywe sunu masiku, mu nkamu eyi niini ya bantu, nkubungana kwa masi aandeene. Kuciimo cini kwiinda ku bunji bwa masi aa ku musanza aliminindwe kuno, kunze lya masi aali osanwe aakumbi, akwalo ku Russia, a koonse ku zibeela zyandeene zya cisi. Kuya kulaale mu Venezuela, ku busena mu Jamaica, koonse ku zibeela zyandeene zya cisi, bantu nkobali kuno, bakafwa nzala a nyota ya Leza. Ino nciindi cibotu maningi!

¹⁰ Lino Ndi yanda, kakutanaba kubala Bbaibbele, alimwi mu ndikombele eno. Ndiyo—Ndiyo sola kuleta Mulumbe muniini, Mwami na wayanda, aa bweelelo bwa kuponesegwa kwa Buleza. Nkambo, cifumo cino twabandika aa lufutuko. Elyo sunu masiku tuyo kanana kwa maminiti masyoonto aa kuponesegwa kwa Buleza, alimwi mpawo kwiita mundando wa mipailo a ku kombele bantu. Kuciindi no tucita eci, ku masena

aa kuzibelepsyo zyakukwabana, kufumbwa nko mubede, akwalo ku masena aa mu mabbaasi a myootokala izyungulukide, mu busena bwa nkamu ya mayake na obile ya cikombelo; cindi ca boola ku kombela balwazi, ikuti na ta mukonzyi kunjila mu buyake. . .Buli, ta mukonzyi, Ndili masimpe eno, nkambo milyango ya zijazyo ku masena koonse iili syaankene maningi, kale, alimwi taakwe busena aali oonse, aboobo amu kombe a kubikka maanza aanu aali umwi aumwi ku masena kuya. Elyo amulekele bakutausi abo bali ku zibelepsyo zyakukwabana sunu masiku, abalo bakombele imbunga zyabo kuciindi miswango ya kuponesegwa noili mukucitika. Tula syoma kuti Leza nkwalikonse, masena oonse. Lino katutana kubala na . . .

¹¹ Katutana ku—ku komba, tu yanda kubala Ijwi lya Leza limwi. Elyo Nda cinca Magwalo angu—angu kaindi kaniini kainda, nkaambo kakuyanda kucinca musyobo wa muswaangano oyo ngo Nda bambide mu mizeezo yangu wa sunu masiku, aboobo Nda ucinca aniini; alimwi aboobo Nda cita kucinca Magwalo angu, kutali kwaacinca, pele kwaabikka mu bubambe bumbi, bwa kuponesegwa kwa Buleza, aboobo kutegwa—kutegwa bantu bamvwise.

Atu jule ku Musalali Luka, capita 24. Alimwi tula talikila ku kampango ka 12 ika capita 24, alimwi kubala kuyaansi kutandila ku 34. Kuli aa bubuke bwa Mwami Jesu.

Mpawo Petro, wakabuka Petro, a kuzuzila ku cuumbwe; a kusondela mukati, nkabela wa kabona masila aasumidwe. . .kagambwa muli nguwe kuli ceeco cakacitika.

Elyo, mubone, bobile babo bakainka i buzuba mbubonya ku muunzi uutegwa Emau, oyo wakali kuzwa ku Jerusalema ma falong'u aatandila ku makumi aali cisambomwe.

Lino, citola ma falong'u aali kkumi kupanga i—i maile, aboobo lwakali kutandila mamamile aali cisambomwe.

Elyo mbuli mbo bakali kwaambaula antoomwe zya . . .zintu eezi zya kacitika.

. . .caka citika, kuti, kuciindi nobakali kwaambaula antoomwe a kubuzya, Jesu mwini wakaswena muni, a kweenda ambabo.

Pele meso aabo akali jalidwe kuti bata muzibi.

Elyo wa kabaambila, Ino musyobo nzi wa mibandi eyi njo mujisi kuli umwi aumwi, mbuli mbo mweenda, nkabela muluuside?

Elyo umwi wabo, wakali ezina lya Kleopa, wakavwiila kuteeti kuli nguwe, Sena yebo uli mweenzu olikke mu Jerusalema, alimwi nkabela yebo tona kuziba zintu eezi zya kacitika. . . mu mazuba aya?

Elyo wa kaamba kuli mbabo, Ino nzintu nzi?

Lino amuyeeye, oyu ngu Jesu Mwini, wakabuka, kaambaula.

Elyo ba kaamba kuli nguwe, Kujatikizya Jesu waku Nazareta, oyo wakali musinsimi singuzu mu ncito a mu ijwi kumbele lya Leza a ku bantu boonse:

. . .obo bapaizi bapati a beendelezi besu mbo baka mwaaba ku i . . .kuti a—kuti a pegwe mulandu wa lufu, nkabela baka mubambula.

Pele twa kasyomede kuti wa keelede kuba nguwe ku nununa Israyeli: alimwi kunze lya aaya oonse, sunu ngu buzuba bwatatu kuzwa zintu ezi no zyakacitika.

Inzya, alimwi banakazi bamwi abalo be nkamu yesu baka tugambya, abo bakafumide kwiinka ku cuumbwe;

Elyo cindi noba taka jana mubili wakwe, ba kaboola, kabaamba, kuti bakabona akwalo cilengaano ca baangelo, abo bakati . . .wa kali muumi.

Elyo bamwi babo abo bakali aa ndiswe bakainka ku cuumbwe, elyo baka cijana akwalo mbubonya mbuli banakazi mbo bakaamba: pele walo tee baka mubona pe.

Amuswiilile eno; Jesu.

Mpawo wa kati kuli mbabo, O bafubafuba, . . .ba myoyo iikakilwa kusyoma zyoonse ezyo basinsimi zyo bakaamba:

Sa Kristo teelede kupenga ku zintu eezi, elyo aku njila mu bulemu bwakwe?

Elyo kutalikila kuli Musa a basinsimi boonse, wa kapandulula kuli mbabo oonse, mu magwalo oonse zintu zijatikizya nguwe.

Elyo ba kaswena ku muunzi, oko nko bakainka: elyo wa cita mbuli kuti wakali kuyanda kwiindilila.

Pele baka mukombelezya, kwaamba, Ko kkala andiswe: nkambo ciya ku mangolezya, nkabela buzuba bwa mana kale. Elyo wa kanjila a kukkala ambabo.

Elyo caka citika, mbuli mbwa kakkede kulya ambabo, wa kabweza cinkwa, a ku cilongezya, a ku ci komona, a ku cipa kuli mbabo.

Elyo meso abo akajuka, nkabela baka muziba; nkabela wa kazimaana mu kubona kwabo.

Elyo ba kaamba kuli umwi i aumwi, Sena myoyo yesu tii yapyo muli ndiswe, kuciindi naali kwaambaula a ndiswe mu nzila, alimwi a kuciindi na tu julila magwalo?

Elyo ba kanyamuka ciindi nciconya, a kubweeda ku Jerusalema, elyo bakajana bali kkumi aumwi kaba bungene antoomwe, elyo cindi no bakali ambabo,

Kwaamba, I Mwami wabuka ncobeni, alimwi wa libonya kuli Simoni.

Elyo ba kaamba zintu ezyo zyakacitwa mu nzila, anzila eyo mbwa kazibwa kuli mbabo kwiinda mu mukomona cinkwa.

¹² Lino atu kombe. Oyandwa Taata siluzyalo, twa Ku lumba nkambo ka Ijwi Lyako, nkambo Ijwi Lyako Mbwini, Ijwi Lyako Mbuumi. Alimwi Yebo, O Mwami, a Ijwi Lyako muli Comwe. Aboobo twa lomba sunu masiku, Mwami, kuti Uyo boola aakati kesu mu nguzu zya bubuke Bwako alimwi uyo tondezya kuli ndiswe sunu masiku, mbuli baabo bakazwa ku Emau, kuti aswebo inga twa jokela ku miinzi yesu, katwaamba, “Sena myoyo yesu tii yapya muli ndiswe?” Ko cipa, Mwami, ku tandila ku ciindi caku mangolezya alimwi. Nkambo twa cilomba mu Zina Iya Jesu. Amen.

¹³ Lino Ndi yanda kwaamba kujatikizya Bbaibbele eeli. Elyo ciiyo cangu sunu masiku, ca ciiyo, ngu: *Zintu Zicitika Zilungululwa Aa Cisinsimi. Zintu Zicitika Zilungululwa Aa Cisinsimi.*

¹⁴ Lino, Bbaibbele ndi Bbuku lyandeene ku mabbuku oonse aasetekene. I Bbaibbele ndi Bbuku lyandeene. Ndi Bbuku Iya cisinsimi, kwaamba zintu ziyo citika kumbele. Alimwi akwalo Ngu Ciyubunuzyo ca Jesu Kristo. Muciindi coonse kuzwa ku Matalikilo kusika ku Ciyubunuzyo, lila Mu tondezya mu buzule Bwakwe, obo Mbwa kabede a mbwabede. Elyo Bbuku lyoonse mbolizulwa, Ciyubunuzyo 1:1 kusika ku 3, kati Bbuku ndi Bbuku Iya “I Ciyubunuzyo ca Jesu Kristo,” cili ndi Ijwi Iya Leza. “I Ciyubunuzyo ca Jesu Kristo,” Ijwi Iya Leza!

¹⁵ Lino, oonse mabbuku aambi, mabbuku aasetekene, ngu cilengwa buyo ca milao yakulilemeka, cilengwa ca kulilemenezya, na cilengwa ca lwiiyo lwazya bukombi. Cintu cimwi eco... Mbangaye bakasola kubala Korani, Bbaibbele Iya bana Muhammedi, alimwi—alimwi bbuku Iya ba Buddhisti, amwi aambi? Ngu cilengwa buyo ca milao yakulilemeka, bantu nco beelede kupona, nzila mbo beelede kupona, pele tali sinsimi pe, talyaambi kufumbwa cintu kujatikizya zintu ezi na kujatikizya zipego zili zyoonse zisalesale kupegwa ku muntu uuli oonse, kufumbwa cintu ceelede kucitika. Mbuli buyo kuba cibeela ca nsangano na cintu cimwi. Aboobo, cindi mabungano aboola ku busena cakuti a bamba mbungano yabo kuba buyo nsangano yakuba cibeela, mpawo bali sweekede kulaale kuzwa ku Ijwi Iya Leza.

¹⁶ Nkambo Bbaibbele ngu bumboni, bupona bwakaambwa ibwa Jesu Kristo. Elyo mbuli nyika mbo yabukomena mu

buzule bwayo, alimwi misaansa ayalo ya kakomena mu buzule bwayo, buzuba bwakomena mu buzule bwabo, i Bbaibbele lyaka yubununwa mu buzule Bwalyo mu ciimo ca Muntu Jesu Kristo. Wa kali Ijwi lya Leza lyakayubununwa, Bbuku lyoonse mbolizulwa lya Lununuko. I Bbaibbele ndi Ijwi lya Leza, kalyaamba zintu ziyo citika kumbele. Basyomi balyo bali laililildwe kwiinda kuli Mukamwini Walyo kubala a kusyoma Ijwi lyoonse lya Ndilyo, kutali biyo cibeela ca Ndilyo. Ijwi lyomwe, kuta Li syoma, inga akwalo waleka kusola mane uka syome Ijwi eelyo. Ijwi lyoonse ngu cibeela cimaninide ca Leza Singuzuyonse; Leza waka yubununwa, kavungaidwe mu Ijwi Lyakwe, ku tondezya Obo Mbwa bede. Tuli laililildwe, mbuli basyomi, kusyoma Ijwi lyoonse lya Ndilyo. Alimwi Li lilembedwe a Mukamwini Leza Lwakwe. Taakwe muntu uukonzya kuyungizya cintu cili coonse kuli Ndilyo na kugwisya kuli Ndilyo. Ikuti na wacita, liyooba mubili wakalemama iwa Leza. Inga lyaba, ndiza mbuli tunwe tuli cisambonwe ku janza limwi, na—na maboko otatwe, na cintu cimwi, ku yungizya cintu cimwi, kugwisya cintu cimwi kuli ncico a kuba kubulila kuboko komwe, kubulila kanwe komwe. Ngu Mubili uumaninide wa Jesu Kristo. Elyo muli Kristo, mbwali Mweenze, i Simusa, i Nabwiinga ujisi kwiimininwa muli Nguwe awalo. Nkabela aba bobile bali Omwe. “Ku buzuba obo muyo ziba kuti Ndili muli Taata, Taata muli Ndime, Mebo muli ndinywe a nywebo muli Ndime.” Ino cifwanikiso cimaninide!

¹⁷ Elyo basyomi beni mu Ijwi eeli, abo baka Li tambula munzila eyo, bala Li syoma, a lukakatilo kulindila zisyomezyo Zyalzo zyaka sinsimwa, cimwi acimwi caco kuyubululwa mu bukkalo bwaco. Basyomi boonse ba kacilangila. Basyomi boonse bakali bambila akupakamana, kabalangilila, mbe mbabo abo baka yubunwidwa.

¹⁸ Lino amulange mu mazuba a kuboola kwa Mwami Jesu. Nkambonzi bantu aaba nco bata kamuziba Johane, kakuli Bbaibbele lya kaamba antangalala kwiinda kuli Isaya, “Ku yooba jwi lya umwi woompolola mu nkanda, ‘Amubambe nzila ya Mwami’”? Musinsimi wabo wa mamanino ngo bakajisi, oyo wakali Malaki 3, kaamba, “Amubone, Nda tuma mutumwa Wangu kumbele Lyangu kuti abambe nzila.” Nkaambonzi nco baka tacibona? Nkaambo bakali kulangila ku cintu cimwi eco caka citwa, kababikka mizeezo yabo aa mulumbe umwi oyo wakamwaikide kale, nkabela baka kakilwa kubona kuyubunuka kwa kaliko kwa Leza mu buzuba mbo bakali kupona.

¹⁹ Elyo Banakristo, masena oonse, obo mbombubo nyika mpoiimvwi sunu masiku. Kakutakwe kukazya, obo mbwini! Banakristo, masena oonse, ba sola kulanga musule ku cilengwa cimwi ca kulilemeke eco Ba. Luther nco bakalembe, na Ba.

Wesley, Sankey, Finney, Knox, Calvin; bali, taakwe umwi wesu uukonzya kusampaula nkuko, pele eco cakali mu buzuba bwa kainda.

²⁰ I ba Farisi bakalanga musule kuti babone eco Musa nca kaamba, elyo ba kati, “Tuli jisi Musa. Ta tuzi Yebo nkozwa.”

²¹ Pele amuyeeye, cindi Musa kuno, tee bakaziba oko nkwa kazwa. Mwabona? Elyo eno ba...Ta cigambyi Jesu nca kabaambila, “Nywebo mula botya zyuumbwe zya basinsimi, alimwi nde ndinywe baka babikka muya.” Kwamana kuunka kwa Mulumbe wabo! I Mulumbe ula zwidilila, bantu bala Ubona, bala Usa mampaula (nyika ilacita). Elyo mpawo mutumwa aamana a Mulumbe wacitwa, mpawo bala yaka kabungwe aa Mulumbe. Elyo mpawo balafwa, mpoonya awo, taba booli ku Buumi alimwi.

²² Amulange kaindi kaniini, kuli bamwi banu no bantu, alimwi ikapati Ndi kanana kuli ndinywe no bantu ba Katolika. Sena mula mvwisya, sa mwakasola kubala makani eeni aakale, makani aakale a mbungano ya Katolika ya bana Roma? Obo kuti makani aanu aa bakajailwa lusyomo lwabo, kuzwa ku Musalali Augustine waku Hippo, mbangaye bantu bali ma milioni manji abo mbungano mboya kajaya! Nda luba, ta ndikonzyi kwiita mweelwe wini, pele ulasika ku mamilioni, kuzwa Musalali Hippo wa...Musalali Augustine waku Hip-...waku Hippo, Africa, ya kacibamba kuba mulao kuti lwakali luyando lwa Leza lumaninide lwa kujaya kufumbwa muntu oyo uukazya mbungano ya Katolika ya bana Roma. Sena mula mvwisya eco muli eco, kuti Musalali Patrick kwiina naka zuminwa kusikila ku lufu lwakwe, mbuli muna Katolika wa Roma? Wa kakazya pope a micito yakwe yoonse, nkabela mbungano ya Katolika lwayo yakajaya makumi aa zyuulu zya bana bayo. Sena mwakalizyi kuti mbungano ya Katolika ya kaumpa Joan wa Arc, oyo mwanakazi musalali muniini, ku cijailo, nkambo ka-...kati wakali mulozi. Kumane myaka iili myaanda yone, bakafumbula mibili ya bapaizi, cindi noba kajana kuti cakali lubide, akwiisowela mu lwizi, kakutakwe kwiizikka mu bulongo busetekene, kucita cisubulo ca milandu.

Muta lekeli buzuba kuti muta bumvwisyi mu mizeezo yanu, a kuba bafubafuba.

²³ Obo balo bapaizi mbo banga bayanda, sunu masiku, kubuka, abo bakapa Jesu mulandu. I cintu buyo, taakwe no bakabona kwaambwa kwa kumbele ikwa oora eelyo. Ikuti noba...Jesu wa kati, “Amulingule Magwalo, nkambo muli Ngawo mula yeeya,” na, mubwini, “taminina kuti muli jisi Buumi Butamani, alimwi Magwalo nga mwaambila kuti Ndime Ni,” ku oora eelyo.

²⁴ Amubone, Bbaibbele tali konzyi kukakilwa. Ngu cintu comwe nco Li takonzyi kucita, Ijwi Iya Leza, kukakilwa, nkambo Li sinsima milimo ya Ya Mukamwini ka Ta na icita.

²⁵ Lino, kuli kukonzeka kucitika komwe kuzwa mu cuulu eco muntu ncanga waamba kumbele kuteeti cintu cimwi cimbi ciyocitika, elyo inga cacitika. Pele mpawo ikuti wacibikka aa *busena* mpo ciyo citikila, eco cila cicesya ndiza ku kukonzeka kucitika komwe kuzwa mu zyuulu zili kkumi. Ikuti na waamba *buzuba* mbo ciyo citika, eco cila cicesya, kukonzeka kucitika komwe kuzwa ku kutandila milioni. Elyo nkuuli *ni* nko ciyo citikila, eco cila cileta kuyaansi ku mabbilioni aakukonzeka kucitika.

²⁶ Pele eeli Bbaibbele likwaambila eeni aali *nguwe, cindi, busena*, a *oko* kwa kucilangila, alimwi talina kakilidwe ciindi comwe. Aboobo, mu mubandi muniini kutali ciindi cilamfu cakainda, a mupaizi wa mbungano ya Moyo Uusetekene kutala awa; wa kati, “Ba. Branham, musola ku kazya Bbaibbele.” Kati, “Ayo makani aakale aa mbungano.”

Nda kati, “Taali makani aakale. Ngu Leza, Lwakwe, mu bulembo.”

Wa kati, “Leza uli mu mbungano Yakwe.”

²⁷ Nda kati, “Leza uli mu Ijwi. Nkabela kufumbwa cintu ciimpene kuli Ndilyo, acibe bubeji. Nkambo Wa kati, ‘Muleke Ijwi Lyangu libe lya bwini nkabela ijwi lyoonse lya muntu libe bubeji.’”

Wa kati, “Ta tweelede kukazyanya.”

²⁸ Nda kati, “Kwiina ni ndakulomba kuti ukazyanye, pele Bbaibbele li laamba, ‘Amuboole, atu buzyanye antoomwe.’”

²⁹ Lila sinsima milimo ya Mukamwini ka Ta na kwiicita. Aboobo, kwaamba eco, mpawo eco cibikka mwaalumi a mwanakazi oonse, ku Busena bwa Lubeta, kakutakwe ntamizyo. Ikuti na wabweza eco Methodisti nco yaamba kujatikizya Ndilyo, Baptisti nco yaamba kujatikizya Ndilyo, eco Katolika nco yaamba, eco Pentekoste nco yaamba, na kufumbwa mbungano iimbi, inga waakujana kufwansonni kumwi ku Lubeta. Pele ikuti uyo langilila buyo eco Bbaibbele nco lyaamba kuti ciyo citika, nkabela ca citika, mpawo uyo ziba eco cicitika.

³⁰ Lino, ta cili aatuba mu kulibonya kwaantagalala cakuti bantu boonse inga bacibona, nkambo Jesu wakalumba Leza nkambo ka kucisisa ku meso aa basongo a basimaanu, alimwi kuti inga uyo ciyubununa ku bana mbuli baabo banga baiya. Amuyeeye Leza Singuzuyonse kakkede mu Ijwi Lyakwe Lini, a nguzu zya koofwaazya bavubi a basimaanu a—a basicikolo bayiide maningi, koofwaazya meso aabo kutegwa bata Mu boni, a kujula meso aa bacete a batayiide.

³¹ Amubone bantu aaba kuzwa ku Emau, Wa kati kumvwisya kwabo—kwabo kuli Nguwe kwakali vumbidwe. Ba kaambaula kuli Nguwe elyo tee bakazi akwalo kuti Wa kali ni, buzuba boonse. Leza ulakonzya kucita eco, nkambo Ngu Leza.

³² Obo mbombubo Mbwa kacita ku bapaizi abo, balembi abo, nkaambo Ca kali lembedwe kuti Uyo cita eco. Leza wa koofwaazyza meso abo kutegwa inga twaba aa coolwe. Amubone, tee ba kakonzya kubona, takukwe makani na bakali basicikolo bayiide buti, obo na bakali bapaizi bayiide buti, eco nco ba kacita, tee bakacili ku konzya ku Ci bona, nkaambo bakali ofweede. Ku kubona kwabo inga kwakali kabotu loko kwiinda kukupimwa, cakunyama. Pele ku kubona kwabo kwa kumuuya!

³³ I cintu nciconya nco Nda li kusola kwaamba kuseeni kujatikizya bumambi bwa banakazi, kusama munzila njo bacita lino. Mba simamambi. Mu Bbuku lya Leza bajisi mulandu wa bumambi ciindi coonse basama zisani ziboneka cabwaamu. Buntu bwabo, ka bata cizyi. Nda syoma balo banakazi, bunji bwabo, zyuulu zya mbabo, taakwe ncobazi, alimwi munzila iili yoonse inga tii bacita bumambi. Nkabela banakazi batakweankobaya, a muntu umwi oyo uyo balekela ku cicita kakutakwe ku cilwana, kakwiina kuciyutula a kwaamba kasimpe, kucita bumambi. Eco, Bbaibbele lya kati, “I sikuvuula oyo wakakkede aatala lya maanzi manji, cakuti bami boonse baansi a bantu boonse baansi, mabungano a zimwi zimbi, bacita bwaamu bwa kumuuya a nguwe. Alimwi waa kali I BANYINA WA BASIBWAAMU,” tubungwe.

³⁴ Tula langilila Bbaibbele, nkambo Leza kwiina na tusiila mu mudima. Wa katuma Bbaibbele ku twaambila kumbele zintu ziyo citika kazitana kucitika, alimwi mbubonya bulenge a ciindi no zinga ziyo boola.

³⁵ Lino, cili mbuli cintu cimwi kulanga aa kkalenda kubona kuti mbuzuba nzi. Ikuti na wayeeya, atwaambe kuti omu mu Mujibelo oyu, Munsondo, ino ncenzi? Kolanga aa kkalenda. I kkalenda iyo kwaambila kuti mbuzuba nzi. Cindi wabona micito ya bantu, ndiza kuya ku cikombelo, yebo wabona i—i . . . kumva milangu kiilila, ula yeeya kuti mbuzuba nzi. Ko langa aa kkalenda, iyo kwaambila kuti mbuzuba nzi.

³⁶ Elyo cindi mwabona mbungano kaiba mu ciimo canyika, mbuli mbo cakabede mu mazuba aa Sodoma, kubona nyika ya bukombi yoonse kayiinka i . . . komba “i kaleza ka bukkalo obu bubi,” a kubona eco; mpawo kubona nkamu ya bantu niini kaibungene kungsi lya bunanike bwa Leza, kuzyala alimwi Buumi bwa Jesu Kristo, kwiinda ku Magwalo a ayelede kucitika, nywebo mulizi oora ndyo mupona mo.

³⁷ Eli Bbaibbele li laamba zili kumbele, aa cisinsimi, kuti mbuzuba nzi mbo tupona, kuti ncindi nzi nco tupona, alimwi kuti musyobo nzi wa zintu zyelede kunoocitika. Li laamba cili kumbele mbubonya mbuli kweendelana ku makani oonse, nkabela talina iimpya mu bukkalo bomwe, ciindi coonse. Kwiina ciindi comwe ni Lya kasola kwiimpya, alimwi Ta likaciti, nkambo abo bakakanzwa kucibona bayo cibona. Jesu wa kati, “Kwiina muntu uukonzya kuboola kuli Ndime, cita

kuti Taata Wangu wamukwela, alimwi boonse abo Taata mbaa Ndi pa bayo boola.” Ndi Ijwi kali swaangana a Ijwi. Tali konzyi kuba cintu cimbi. Tuli buzi, buzuba obo mbo tupona mo.

³⁸ Pele mbuli mbo cakabede mu makkalo oonse, bantu balalekela baalumi kubikka bupanduluzi bwabo beni ku Ijwi eeli, nkabela cibapa koofwaala ku zintu ezyo zicitika. Cintu nciconya nco cakacita ku ba Farisi a ba Saduki. Akwalo cindi Paulo nakaima kuya a kusola kubalulula Lugwalo, nkabela muntu umwi waka muuma mu busyu nkaambo kakuti wakaita mupaizi mupati kuti bwaanda butubye. Elyo mpawo bakayimpya kubona Leza katondezya Ijwi Lyakwe lyaka sinsimwa.

³⁹ Mwabona, Bbaibbele tali likazyi Lini; Bbaibbele ngu Leza. Taakwe kukazyanya muli Leza; Uli londokede.

⁴⁰ Pele bantu, a bupanduluzi bwabo beni! Lino amubone, andi mutondezye, no beenzuma. I mabungano taakonzyi kuzuminana lwawo aa bupanduluzi bwa Ndilyo. I ya Methodisti taikonzyi kuzuminana aya Baptisti, ya Baptisi i Presbyteria, Presbyteria iya Pentekoste. Alimwi a tubunga twaandene tutandila ku makumi one twa Pentekoste, taba konzyi kuzuminana umwi aumwi. Aboobo mwabona, eyo inga yaba Babuloni alimwi, kunyonganya.

⁴¹ Pele Leza ula cita bupanduluzi Bwakwe Mwini ibwa Ijwi Lyakwe. Wa kasyomezya cintu eci, elyo mpawo ula cicita Mwini. Ula pa, Mwini, bupanduluzi bwa ncico, nkaambo Ula lizibya Mwini mu oora eelyo. Oko nko kusumpuka i—i kwa Mubili wa Kristo, kuzwa ku matende kuya ku mutwe!

⁴² Amubone, mpawo ako nke kaambo bantu aaba nco bakacilwa kucimvwa, nkaambo ba swiilila kuli eco muntu umwi uumbi ncaamba kujatikizya Ndilyo, mubusena bwa kubala Ijwi mbuli Jesu mbwa kabaambila kucita, “Elyo Nge Ngawo aa Ndi lungulula. Amulingule Magwalo, muli Ngawo muyeeya kuti mujisi Buumi Butamani, alimwi Nge Ngawo eyo aa Ndi lungulula.” Mu majwi aambi, amuswiilile, “Ncinzi? Amubale Magwalo a kubona eco Mesiya ncelede kucita. Kubona eco ciindi Mesiya nca keelede kuboola. Amulange oyo wa keelede kusololela Mesiya. Amulange ku oora. Ku leelede kuba jwi lya umwi woompolola mu nkanda, Johane. Elyo mwaka mucitila mbubonya nzomwa kayanda. Amulange eco nce Nda keelede kucita cindi ni Nda kaboola. Elyo eno ncinzi nco mwacita? Sena Nda kacilwa kuzulizya Eci?” Mwabona, Jesu kaambaula, “Sena Nda kacilwa kuzulizya Eci?”

⁴³ Amubone, mbuli mbo tuboola mu mbaakani yoonse Magwalo masikati aya, obo zintu zyoonse ezyo zyaka sinsimwa Nguwe mbozya kacitika mbubonya buyo mu nzila mboca keelede kuba. Ba keelede kuziba kucitika oku. “Oyu Mulombwana, sikwiindilizya mukubusi wakabuka, katandila

myaka ili makumi otatwe ayotatwe yakukomena alimwi... na myaka ili makumi otatwe yakukomena, nkabela wakainka ku musanza kuya a kutaminina misyobo yoonse ya Mimuni, a Nziba kaiseluka. Elyo, baa, akali buyo i—i mause.” Ba kati, “Wa kazyalwa ku bazyali munzila iitaluleme, kataminina kuti Wa kazyalwa akuzyalwa kwa nakalindu.”

⁴⁴ Sa tee bakeelede kuziba kuti Isaya wakati, muli Isaya 9:6, “Kuli ndiswe twa zyalilwa Mwana”? Sa teeba keelede kuziba akwalo kuti musinsimi Isaya wakati, “I nakalindu uyo mita”? Ba keelede kuziba zintu eezi. Pele, nywebo mwabona, cintu ca nciconya cakali, ba kali kucibikka ku busena bumwi kumbele loko. Elyo oyu Muntu, kuli mbabo, taaka kulizya ceelelo. Pele Wa kabalailila kuti, “Amulingule Magwalo, nkambo muyeeya kuti muli Ngawo mujisi Buumi Butamani, alimwi Nge cintu Nciconya eco cilungulula Mulumbe Wangu.” Kutali eco mwiiyi umwi walwiiyo lwabukombi nca kaamba; pele eco Leza, Ijwi Lyakwe Mwini, kati inga ciyo citika! Ameni!

⁴⁵ Mbo cibede eno! Amulingule Magwalo, nkambo Nge ngawo Amwi aa twaambila oora ndyo pona mo, ala twaambila ncobeni eco ciyo citika mu buzuba buno. Nge ngawo Aamwi ayo nge mweelede ku yaamina, nkambo Nge Amwi ayo alungulula Muntu muciiimo ca Jesu Kristo. Nkambo Bbaibbele lya kati, walo, “Ngu mbobuca nguwenya, sunu, amuya myaaka,” nkaambo Ngu ciyubunuzyo ca Ijwi mu bukkalo. Takonzyi kuba uumbi.

⁴⁶ Aboobo kwiinda mu kuswiilila ku bupanduluzi bwa bantu, bala bona kutondezegwa kwa Ijwi lya Leza kali zulizigwa, ba kakacilwa ku Li bona. Nkaambo, cila zumanana ciindi coonse, pele nkaambo ba swiilila... Elyo Jesu wakati, “Mbasololi boofu.” Elyo ikuti na boofu basololela boofu, ncinzi cicitika kuli mbabo? Lino amuyeeye, Bbaibbele lya kaamba kuboola kwa bukkalo obu bwabupaizi bwa Bukkalo ibwa Laodikeya kuti bwakali boofu. Ba ka Mu tandila aanze lya mbungano. Obu tabuli bukkalo bumbi, bukkalo bwa mbungano bumbi, kuteeti Jesu wakali aanze. Pele Bukkalo bwa Mbungano ya Laodikeya, Wa kali aanze, kasola kujoka kunjila, “Nda ima ku mulyango a kukonkomona.” Wa keelede kuba mukati. Pele Wa kati, “Nkaambo waamba kuti, ‘Ndili vubide, uulivubide mu lubono, kwiina ncintu nce ndibula,’ elyo kuta ziba, kuta ziba kuti uli moofu, kosolelela boofu, mucete mu muuya, uupengede, uusampaukide, sicinswe, elyo to cizyi.” Ino nci-... Ikuti na muntu wakali sicinwe mu kagwagwa, kapengede, moofu, a kuziba kuti wakajisi kuyeeya kweelede kuti inga wa mwaambila kuteeti wakali sicinswe, inga wasola kucita cintu cimwi a ncico. Pele cindi azunganya mutwe wakwe, kwaamba, “Ta ndiko Li tambula. Nduweni yebo weelede kundaambila eco cakucita? Ndi lizyi awo mpe Ndi imvwi.” Lino, ikuti na eco tacili ciimo cifwisa nsoni, Ta ndizyi. Elyo mbombubobo eco Leza wa

Bbaibbele eeli mbwa kaamba kuti mbungano mwiiyo kunjila, mu bukkalo obu bubi ndyoonya eno, mu bukkalo obu bwa mamanino awo mpo tupona.

⁴⁷ Amubone, pele ku bantu, “Mbuli boonse mbe Ndi yanda, Nda batapatila.” Lino, ikuti na watapatilwa ku Mwami, kuli eco ncoli mukucita, kozwa kuli ncico mpawo! Ko zwa kuli ncico. “Mbuli boonse mbe Ndi yanda, Nda batapatila.”

⁴⁸ Lino, mukubona Leza, eno, ino kuti ba Farisi abo noba kati, “Amulindile kaindi kaniini. Oyo Muntu watupa kuzundikizya ncobeni, Wa amba, ‘Amulingule Magwalo, nkambo muli Ngawo muyeeya kuti mujisi Buumi Butamani; A lungulula Ndime.’ Ncibotu kuti Nda langa musule mu Magwalo a kubona eco Nce elede kucita, kuti Walo Nguni, eco ceelede kucitika. Nde elede kulanga musule a kulingula”? Mubusena bwa eco, ba kainka ku bapaizi a ku babuzya, “Ino nca Makanzi nzi?” Mwabona lwandaano? Ba keelede kuti kababala Ijwi.

⁴⁹ Mu ba Hebrayo 1:1, Bbaibbele lyakati, “Leza, muziindi zyakalekale,” nkokuti, “ziindi zyakaindi a mu ziyanza zyaandeeene wa kalemba Bbaibbele kwiinda ku basinsimi.” Lino amubone, Wa kalemba Bbaibbele kwiinda ku nzila Yakwe Mwini yakasalwa. Mwabona? Lino, Ta keelede ku Li lembe munzila eyo, alimwi Ta keelede kufutula muntu kwiinda ku Bulowa. Ta keelede ku kambauka Makani mabotu kwiinda ku muntu; Na kakonzya kulekela izuba na mweezi na inyenyezi kukambauka Makani mabotu, Na kalekela myuuwo kwaamba Makani mabotu. Pele Wa kasala muntu! Elyo Wa kasala nzila Ijwi Lyakwe mbo lya kaboola, alimwi eyo yakali kwiinda ku basinsimi Bakwe abo bakakanzwa a bakasalidwe kale, mukuba cibeela ca Ijwi lya Leza, kabatondezya ciyubunuzyo ca Ijwi Lyakwe ku bukkalo obo a ku ciindi eco. “Nkambo Ijwi lya Leza lya kaboola ku basinsimi buyo.” Taakwe no Li boola kuli silwiiyo lwabukombi. Amu nditondezye Lugwalo. Li boola buyo ku basinsimi. Leza takonzyi kubeja. Aboobo Leza wakalemba Bbaibbele kwiinda ku nzila Yakwe yakasalwa, a basinsimi Bakwe Beni bakasalwa; kutali basinsimi bantu mbo basala, pele basinsimi Leza mbaa kasala.

⁵⁰ Mpawo Ngu basyomi balangilila kuzulizigwa kwa eco musinsimi wabo nca kaamba, nkabela eco ncizibyo cakuti ngu basinsimi ba Leza. Nkaambo, kusaanguna, bali nanikidwe. Cicilila, bala kkala cakululama ku Ijwi lya oora. Mpawo ezyo nze zyelelelo zyakwe. Mwabona, twa kamana kalangalanga eco mu Munsondo yainda. Basinsimi banji bayo buka. Elyo twa kapa bupanduluzi bupati nzila obo Balamu a Musa, bobile bakali nanikidwe a Muuya omwe, umwi wabo wakati, “Toonse tuli bomwe. Atu sangane, tubikke bana basimbi besu a boonse antoomwe. Tu jisi basimbi babotu kubusena kuno, alimwi nywebo no basankwa amuboole kubusena kuno a kubweza

bakaintu babotu. Eco cili kabotu, toonse tuli bantu bomwe, akwalo, mukowa omwe.” Leza kwiina naka bajatila nkambo ka ncico. Ba kaswiilila kuli eco.

⁵¹ Mwabona, inyika a i—i bantu kaba langilila tusena twa misaalo tumwi tuniini, tuleeyelo tumwi tuniini, zidabula zimwi ziniini, pele taakwe zidabula mu Ijwi lya Leza. Kuli Bubambe bomwe. Yebo weelede kulijuba kuti weelele ku Bubambe obo, kutali kujuba Bumbabe kuti bukweelele. Bantu boonse beelede kucita eco. Eyo nje nzila buyo Leza nja jisi ya kucicita.

⁵² Amubone eno, basyomi bala lindila Ijwi eelyo kuti litondezegwe. Mwabona, Tii lya kalembwa aa muntu, pele aa Mwami Leza, aboobo Ta lili bbuku lya muntu.

⁵³ Muntu umwi wa kati, “Ngu malembo amwi buyo aakaindi aci Hebrayo.” Sa inga ba Hebrayo balemba lugwalo olo lubapa mulandu lwabo? Sa inga cisi eco cibotu ca ba Juda, basibuliite bwabo a babotu loko, sa inga balemba milandu yabo beni, kulipa mulandu lwabo? Peepe ncobeni. Kwaamba zibi zyakwe mwini, nzila mbo bakanjila mu mituni, nzila mbo bakcita bwaamu kulwana Ijwi lya Leza? Peepe, peepe. Inga niba ta kaamba eco, eco cisi cilemekwa.

⁵⁴ Ta lili bbuku lya muntu. Ndi Bbuku lya Leza. Elyo muntu oyo uubona zilengaano na kumvwa Ijwi lya Leza, kwiina nakalimvwa (ziindi zinji) lwabo, mu ziimo zinji. Mwabona? Muntu taakwe nakalemba Bbaibbele. Leza wa kalemba Bbaibbele. Ta lili . . . Talili bbuku lya muntu. Ndi Bbuku lya Leza. Ngu mizeezo ya Leza ya katondezegwa kwinda mu milomo ya bantunsi. Eco nce Cili bamba kuba Bbaibbele. I mizeezo watondezegwa ndi ijwi. Elyo ku matalikilo wakali Muyeeyo wa Leza, Wa Ka upandulula kwiinda mu milomo ya basinsimi Bakwe elyo waka Uto ndezya kwiinda ku balanda Bakwe. Mwabona? Amubone.

⁵⁵ Leza ulacita kusala Kwakwe Mwini, kwiinda ku kukanza, kasala basinsimi ba bukkalo abukkalu. Amu cibone. Ula bamba bupange bwa musinsimi oyo kuti bweelele ku bukkalo obo. Mwabona, Ula eelega mu cilengwa cakwe, kufumbwa cintu ncacita. Ula mubamba kwela naa wakaiya na takaiya. Ula bamba zipogo kuti zyelee, ciyanza eco ncayo kambaukila mo, zipogo nzya nojisi. Elyo Mulumbe wa bukkalo obo bumwi, Leza wakakanza cintu eco cimwi kucitika alimwi taakwe cintu cimbi cikonzya kubweza busena bwaco. Tandikwe makani mbocibede, na nkuji buti kuzwidilila kwa kabambwa aa bantu, taakwe cintu cikonzya kubweza busena bwaco. Wa kakanza muntu, ndiza muntu uutakwe luzibo. Antela wakamukanza ku musyobo uumbi wa muntu. Kufumbwa mbwabede, Ula mupa musela wakwe, cipego cakwe—cakwe, ulamupa bulenge bwakwe, bupange bwakwe, alimwi kufumbwa cintu mbo cibede, obo mbwali

pandulula mwini, alimwi kufumbwa cintu ncacita. Ula bamba muntu wa oora wakujata bantu ba oora. Ncibotu. Ula cicita.

⁵⁶ Ku mamano aa bukkalo abukkalo, cindi mbungano ni yaunka ku nyika a cibi, a kuyaama ku bupanduluzi bwa bantu ibwa Ijwi. Mbuli lyonse, lyoonse bakacita, ku mamano aa bukkalo, baka njila mu kunyongana boobo kwiinda kuli basilwiiyo ba zyaabukombi a bapaizi kusikila lyoonse ngu ncintu caka nyonganisigwa. Lyoonse bupanduluzi bwa buli lubide, taakwe ciindi cimwi noca kasola kuba cilubide. Elyo taakwe ciindi cimwi Ijwi Iya Leza nolya kasola kukakilwa kuba liluleme. Olo ndo lwaandano.

⁵⁷ Lino nywebo mwabona, Leza wakalemba Bbaibbele, Mwini. Lino, Leza inga wakanana. Musa wa kati Wa kaambaula kuli nguwe. Jeremiya wa kati, “Wa kabikka Majwi mu mulomo wangu.” Nkabela Leza inga walemba. Wa kalemba milao iili kkumi a munwe Wakwe Mwini. Wa kalemba aa bulambo bwa Babuloni. Eyo, amuyeeeye, zya Cizuminano Cakale cilikke, ziindi zili zyuulu zyobile basinsimi ba kaamba, “MBUBOBU MBWAAMBA I MWAMI!” Leza inga waambaula, Leza inga walemba. Cili masimpe. Kutandila peeseenti iili makumi aali fuka ya Matayo, Marko, Luka, a Johane, ngu Majwi ngaonya aa Leza Mwini, Jesu Kristo kaambaula. Aboobo, ikuti na Leza inga walemba, ikuti na Leza inga wabala, ikuti na Leza inga waambaula, sena Ta konzyi kucitya bamwi kucita cikozyenye? Sa Ta kaamba kuli Musa, “Nguni wakapanga muntu cimuumu na nguni wakamupa mwaambo?” Leza wakalemba Bbaibbele kwiinda ku basinsimi, nzila Yakwe yaku cicita.

⁵⁸ Lino ciindi coonse kuti mbungano yaba iinyongene (alimwi Leza wakalizi kale kuti bayooba, nkambo Wa kalizi kale zintu zyoonse), aboobo Uli jisi musinsimi Wakwe umwi ubambilidwe bukkalo obo, kuti aite basalwa Bakwe kwiinda ku Ijwi Lyakwe zyaka simpikizigwa ilya zitondezyo a zigambo, a kutondezegwa kwa Ijwi Lyakwe, “kutondezya Ijwi a zitondezyo kazitobela,” mbuli Mbwa kasyomezya. Ula pa bupanduluzi bwa kasimpe kwamana musinsimi lwakwe kuti wa simpikizigwa.

⁵⁹ Boonse pele aabo, basale abo mba katuminwa, bala musula. Lino, amulingule zicitika zyoonse a kubona na zili luleme na pe. Buyo ku bantu abo Mba tuminidwe! “Wa kaboola kuli Bakwe Beni, nkabela Bakwe Beni tii baka Mu tambula. Pele boonse abo baka Mu tambula, Wa kabapa nguzu kuti babe bana ba Leza.” Amubone, peepe. . . koonse kulingula kwa Ijwi, mu zikozyanyo zyoonse, elyo ku mamano a makkalo oonse na kaambo kapati na maswaanino, mbuli mbo Nda kakambauka aali ncico ziindi zinji.

60 Amulange ku bukkalo bwa Nowa, ku kaambo kapati kakutanaba lubeta. Ncinzi cakacitika? Nowa, wakali buyo a mukwasyi wakwe wini oyo wakasyoma mwaalumi. I boonse babo baka mukazyia. Elyo kanyonyoona nyika yoonse.

61 Mu mazuba aa Abrahamu, nkamu ya Abrahamu ilikke njiya kasyoma. Cindi Baangelo noba kaunka a kuyo kambauka ku Sodoma, Lota alikke a mukaintu wakwe a bana bobile basimbi mbe bakazwa, elyo waa kasanduka kuba indomba lya munyo.

62 Mu mazuba aa Musa, basale buyo ba Israyeli mbe bakazwa. Elyo Farao waka musula.

63 Mu mazuba aa Eliya, zintu zyoonse (kutandila) pele bantu bali zyuulu zili ciloba, boonse babo baka musula, cisi mbocizulwa.

64 Mu mazuba aa Jeremiya, baa, baka muwaala micelo iitabizidwe, alimwi bakamwiita kuti ngu sikwiindilizya, nkaambo wakalala ku lubazu lwakwe kwa mazuba manji loko, alimwi a lubazu lumbi, elyo—elyo bakabweza zintu a kupanga ziiminizyo. Ba kamusula.

65 Isaya musinsimi, wa katapatila mukowa oyo maningi kusikila bamukosaula mu bubili a saha. Ncibotu.

66 Johane Mubapatizi. “Wa kali muntu wa gani ku musanza kuya, umwi ubee ulinyongene kaongolola.”

Boonse pele—pele abo basikwiiya mba katuula kuli Jesu Kristo mbuli mbungano! Nceeco we. Johane wakabamba bantu. Mbangaye mba kajisi? Inga wa babala aa tumwe tobile... maanza obile, tunwe twako, na bakali bongaye abo Johane mba katuula kuli Jesu cindi Na kaboola. Lino, ino kujatikizya Kuboola Kwakwe kwabili? Amu ciyeeeye.

67 Pele cindi basyomi babwini iba Bbaibbele ba bona Ijwi kusimpikizigwa cantangalala loko ilya bukkalo, bala syoma. Kwiina nzila yakuba sinkila kuli Ndilyo, bala Li syoma. Bala tondezya akwalo bulunguluzi bwabo ku bulowa bwabo. Bala Li syoma. Mpawo ndi lyabo, bakakanzwa, kuti ku bukkalo bumwi obo babona a kusyoma.

68 Bamwi taba konzyi ku Li bona; bali ofweede. Lino, yebo waamba, “Ta bakonzyi ku Li bona.” Lino, mbuli Balamu, nkaambonzi Balamu ncata kakonzya kubona Eco? Wa kali musinsimi, wakali nanikidwe. Nkaambonzi Farao ncata kakonzya ku Li bona? Cindi nakabona janza lya Leza kaliseluka a kucita maleele mukati muya, lya kayumya buyo moyo wakwe. Sa obo mbobubo? Nkaambonzi Datani ncata kakonzya ku Li bona, mu Juda wini? Nkoonya kubusena kuya, kaboola kwiinda mu Lwizi Lufwide, nkabela bakalya manna masiku amasiku, ayo aakawa kaali mabotu mapya, elyo nekubaboobo tii bakakanzya ku Li bona. Nkaambonzi Kora ncata ka Li bona? Nkaambonzi Kayafasi ncata ka Li bona? Wa

kali muntu mweendelezi wabukombi bwa nyika ku ciindi eco. Nkaambonzi ncata kabona kuti wakali Mesiya? Nkaambonzi Judasi ncata ka Li bona? Judasi wakali aambabo ncobeni, keenda a mbabo, kacita maleele a mbabo. Pele Ijwi lya keelede kuzulizigwa. I Bbaibbele lya kati wakabusigwa kuti abweze busena obo. Ba kabusigwa ku bukanze obo. Obo mbwini. Ba Roma 8 yaamba obo.

⁶⁹ Lino basyomi inga babona Ijwi kaliba mu mubili wabuntu mu nzyalani yabo, Leza kaambaula. Lino, balo basyomi bakasimpe ncobeni, balo bali zyuulu zili ciloba (na bakali myaanda iili ciloba?) mu mazuba aa Eliya. Zyuulu zili ciloba bakali liluleme. Mu mazuba aa Eliya, kwakali bantu bali zyuulu zili ciloba kuzwa ku kutandila ma milioni aali obile na otatwe, abo bakabona kuti Eco cakali luleme. Kutali akwalo omwe kuzwa mu mwaanda wa bantu, naba uumwi. Pele baka Li bona kuti lyakali luleme. Ba kabona Leza waka yubununwa. Oyo mukamufu wakale oyo Elisha ngwa katuminwa, waa kainka kuyo bwezelela tukuni ooto, kuti ajike cibunge, alimwi bunji buyo bwa kupanzya cibunge cakwe a mwana wakwe mulombe, elyo mpawo bafwe. Pele amulangilile Eliya, wa kati, “Ndijikile comwe, kusaanguna. Nkambo, MBUBOBU MBWAAMBA I MWAMI, cisuwo taci kayuminini a ayalo nsazi ya mafuta taikayuminini kusikila ku buzuba Mwami Leza nayo tuma mvula aa nyika.” Taakwe mubuzyo, waa kanyamuka ndyoonya kuya kukujika cibunge nkabela waka mupa ncico. Kati, “Ndijikile kusaanguna, alimwi nkabela wiinke kuyo jika cako a ca mwana wako mulombe.” Nkambo, waa kamvwa mwaalumi oyo, elyo wakamulanga; waa kali lunyungu lwa kakanzwa.

⁷⁰ Banji babo ba laamba, “Ngooyo muntu mudaala uusyoma zilengwa zyeenzu alimwi. Leza watu singanya nkaambo ka nguwe,” amuyeeeye, Eliya. Kati, “Yebo ndo nduwe oyo uupenzya Israyeli.”

⁷¹ Wa kati, “Yebo ndo nduwe oyo wapenzya Israyeli.” Amubone oyo Leza... Nguuli uli Ndi ijwi Ngwali mukusimpikizya? Ijwi Lyakwe Mwini.

⁷² Lino Bbaibbele li laamba kuti bakabusigwa ku bukanze obu, pele cindi...i-i sikutasyoma. Pele eno cindi musyomi wabwini nakonzya kubona Ijwi lya bukkalo obo kuba mu mubili wabuntu, Leza kaambaula kwiinda mu milomo ya muntunsi alimwi mpawo kacita nciconya eco Nca kaamba kuteeti Uyo cicita, eco kwamana!

⁷³ Lino amulangilile cimwi ca ncico. Muta langilili zitondezyo. Ikuti na mwalangilila zitondezyo, muyo cengwa masimpe mbuli nyika mboiliko. Basinsimi babeji bayo buka a kutondezya zitondezyo a zigambyo ezyo ziyo cenga basale ikuti na cali kukonzeka. Amulangilile Ijwi. Amulange ku

bapaizi aba, basinsimi aba, musinsimi mu Hebrayo kaimvwi awo. Zedekiya kajisi meja obile mapati ncobeni, a kwaamba, “Ndili musinsimi wakasalwa aa Leza.” Cili bwini. “Ndi jisi myaanda yotatwe a makumi ali fuka-afuka bali aandime ndyoonya eno, a Muuya Uusalala aali ndiswe, kautondezya a kwaamba kuti inyika nji yesu. A tweende kutala a kuyo ikona. Elyo kwiinda ku meja aya, Ahabu, uyo tanda sinkondo kuzwa ku nyika yesu, nkambo Leza waka tupa nyika.”

⁷⁴ Amulangilile muntu oyo wabukombi, muntu mubotu, Josefati, kati, “Sena tojisi omwe uumbi?”

⁷⁵ “Omwe uumbi? Kuli bali myaanda yone bazuminene!” Wa kati, “Iyi, kuli omwe uumbi uuliko kuno, pele Nda musula.” Kati, “Lyoonse ula tu tapatila toonse aku twaambila obo mbo tuli basizibi bapati, a zintu zyoonse.” Kwaamba, “Nda musula! Walo, walo ngu Mikaya, mwana wa Imula.”

⁷⁶ Wa kati, “Oh, talekeli mwaami kwaamba obo. Koya ukamulete alimwi atu mvwe eco ncaamba.”

⁷⁷ Aboobo baka muleta kunselelo kuya. Wa kati, “Amu ndipe bwa masiku kutegwa Ndi bone eco Mwami ncaamba kujatikizya ncico.”

⁷⁸ Ahabu wa kati, “Nda kulailila mukusinizya, uta ndaambili cintu cita bwini.”

⁷⁹ Elyo mwaalumi wakasika, kati, “Lino, ikuti na uyanda kujoka mu luswaanano lubotu, koamba buyo mbuli bamwi babo.”

Mikaya wa kati, “Njo amba buyo eco Leza ncaamba.” Mwabona?

⁸⁰ I cifumo cakacilila, ba kayoboloka. I bami bakasama zikobela zyabo, bakakkala ku mulyango, muciiimo coonse campuwo. I musinsimi kaimvwi kuya. Kati, “Lino, sikwiindilizya, ino waamba nzi kujatikizya ncico?”

⁸¹ Kati, “Amuzumanane kuya kutala.” Kati, “Pele Nda bona Israyeli kaimwaikide mbuli mbelele kazitakwe mweembeli.”

⁸² Wa kaba-...kanyamuna janza lyakwe a ku bakula lubayi ku mulomo. I musinsimi waka bakula musinsimi alubayi ku mulomo. Lino, boonse abo basinsimi bakananikidwe kabaimvwi kuya, bakasinsima, myaanda iili yone kabazundana aa omwe, eco cakaboneka ca nguzu ncobeni. Lino, mu nkamu mpati ya bantu iya balailila taku kwabilidwe lyoonse. Ciya aawo mpo babede...eco nco bakulwaizya, ku kulwaizya kwabo mbo kubede. Kwa kanyina bukwabilizi kuya bwa mwaami, alimwi wa kabweza nkamu eyo ya bantu ku kukulwaizya kwabo kuba kabotu. Pele ikuti noba kaima buyo a kujula lubo bbuku lyansiku a kulanga eco Eliya nca kazwaa kwaamba.

⁸³ Mpawo, Mikaya nata kakonzya kwaamba cintu cili coonse, ta kazi pe, cindi ndiza Leza waka mujatila nkambo ka ncico. Pele kusaanguna, mbwakali musinsimi, wa kainka kuli Leza kuyo ziba eco Leza nca kaamba. Elyo wa kaziba eco Leza nca kaamba. Wa kati, “Nda bona Leza kakkede aa cuuno cabwami, elyo Wa kati . . . kajisi basikulailila Bakwe boonse ba ku Julu kaba bungene ku Mu zyungulika, kati, ‘Nguni ngo Tu konzya kutama kuyaansi ku nyika a kuyo citya Ahabu kuzwa awa, aboobo inga bumwi Twa kuzulizya cinsinsimi eco cibambilidwe nguwe?’”

⁸⁴ Mwabona, cisinsimi, Eliya wakaambide kale, “I babwa bayo ntwakizya bulowa bwako.”

⁸⁵ Elyo aboobo wa kati “ndabona muuya wabubeji kuutanta kuzwa aansi, kuboola kumbele, kuboola kumbele Lyakwe, kati, ‘Njo inka aansi ku nyika a kuyo njila mu basinsimi bakwe, basinsimi ba Ahabu, a kubacitya kusinsima bubeji.’”

⁸⁶ Lino, Leza wakalizi kuti balo baalumi bakali lisumpwide maningi a kuzula maningi aa lwiiyo lwabukombi cakuti ba kayeeya kuti bakajisi zintu zyoonse kaziluleme. Kwiina noba kaziba Ijwi Iya oora. Aboobo Leza wa kati, “Uyo zwidilila; koya aansi ku nyika.” Elyo cindi Mikaya na kamba eco, eco cakababamba kusinsima ku bweendelezi bwa muuya mubi. Nokunga bakagwisya kakusyonka kuzwa telefooni, na kuzima redio, na noba kacita cintu cili coonse; bakamvwa Eco kacibalwana, kanyamuka akuzwa. Pele amulange eco cakacitika. Lino, Mikaya wakalingula cilengaano cakwe a Ijwi lyakalembwa, aboobo wa kalizi.

⁸⁷ Wa kati, “Cindi Nda boola . . . Amubikke muntu oyo mu ntolongo, aku mupa meenda aa kubuya a cinkwa ca kubuya. Cindi Nda joka, Nzo mubeleka.”

⁸⁸ Wa kati, “Ikuti na ukajoke nokuceya, Leza kwiina naambaula kuli ndime.” Eco nce ciindi na kaziba cilengaano cakwe kuti cakali eendelene aa Ijwi lyoonse Iya oora eelyo. Ca kali ciindi ica Ahabu.

⁸⁹ Mukwesu, mucizi, eeli nde oora a ciindi ca kwiita kuzwa ku Babuloni. I Mimuni yaku mangolezya iili aano. Amweende mu Mumuni kuciindi nokucili bonya. Amubone, basyomi bakabona Ijwi lyaka yubununwa nkabela baka Li syoma. Jesu wa kati, “Mbelele Zyangu zilizi Jwi Lyangu, Ijwi Lyangu, zitondezyo Zyangu zya bukkalo. I muntu wabubeji tazi kamutobeli.”

⁹⁰ Lino atuye ku cibalo cesi, nkaambo Nda bona Ndili mu kuzwa. Ndi yanda kwaambilisisya loko aali eco mu mundando wa mipailo. Atu jokele ku cibalo eno eco ncotwabala mukuyeeya kabotu, kuno kwa kaindi kaniini. Ee, ciyo citika alubo mbuli mbo cakacita lyoonse, mbuli cilengwa.

⁹¹ Leza wakatuma musinsimi Wakwe, Johane, mbuli Ijwi Lyakwe mbo lyakaamba, kasyomezya muli Malaki 3,

“Amubone, Nda tuma mutumwa Wangu kumbele lya busyu Bwangu, kuti abambe nzila.” Johane wakapa bumboni ku cintu nciconya. Elyo tula jana akwalo, muli Isaya 40:3, kuti Isaya wa kati, “Kuyooba jwi lya musinsimi, umwi woopolola mu nkanda, ‘Amubambe nzila ya Mwami.’” Mwabona? Zyoonse ezyo zisinsime! Elyo—elyo amulange, amubone cakufwambaana, Lugwalo lwaka muzyibya.

Cindi noba kati, “Ino nduweni? Sena nduwe Mesiya?”

Wa kati, “Ta ndili nguwe.”

“Sena nduwe Jeremiya? I basinsimi, na umwi wabo?”

⁹² Wa kati, “Ta ndili nguwe. Pele Ndili jwi lya umwi wompolola mu nkanda, mbuli mbwa kaamba Isaya.”

⁹³ Nywebo mu yeeya kuti noba kasyoma eco? Peepe, munene. Nkambonzi? Ta kasika kwiinda mu mbungano yabo. Ta kali wa cabo...Mwabona, wa kainka mu nkanda ku myaka yakukomena iili fuka, elyo wakazwa kajisi iili makumi otatwe. Mulumbe wakwe wakali mulemu cakuti tii wakali kweelede kwiinda mu cikolo calwiiyo lwabukombi; wa kali umwi wa keelede kuzibya i—i Mesiya. Elyo bantu boonse nibakali kunga bamu kweelela nzila *eyi* a nzila *eyo*. Nkabela Leza waka mutuma kuya mu nkanda, kwiinde lufu lwa bawisi, Zekaria. Alimwi wa kali mupaizi, pele kwiina naka tobela mulimo wa bawisi.

⁹⁴ Nkaambo, basinsimi ta bazwi ku zintu zili mbuli boobo. Bazwa ku manyika aakagalankene, nkanda. Taakwe muntu uuzi nko bazwa, na nzila mbo babuka aa cilawo, na kufumbwa makani aabo aakale. Ba sokomoka buyo a kukambauka Ijwi, nkabela Leza ula bagwisya, nkabela balaunka; balatapatila nzyalani eyo, a kuzumanana mu Ijwi Lyakwe, kaba lindila buzuba bupati.

⁹⁵ I mbungano tii yaka musyoma, nkaambo taaka zizilwe kuli mbabo. Ba kanyina bulunguluzi bwa kunanikwa kwakwe mu mabbuku aabo, aboobo baka mukaka. Mwabona, tii bakasyoma Ijwi lya Leza lyaka simpikizigwa, cantangalala, mbubonya ku makani oonse aa lugwalo a lugwalo. Mwabona? Malaki 3, Magwalo obile a kumu simpikizya, Malaki 3 a Isaya 40:3. Mwabona, oonse Magwalo ayo akaamba kwa muntu kuboola, kubamba nzila ya Mwami. Wa kakwanya zyelelo zyoonse zya ncico.

⁹⁶ Wa keelede kuba musinsimi. “Njo mutumina Elisha.” Elyo ngooyo mbwa kabede, mu nzila zyoonse zikalankene. Amulangilile obo bupange bwakwe mbo bwaka njilana aa bwa Eliya. Eliya wakali muntu wa nkanda, Johane mbwa kabede; masena aatakwake mayake. Takali muntu muteteete, wa kali muntu uugalankene.

⁹⁷ Amubone alubo, Eliya wakali sikusulaika banakazi, wa kaambila Jezebele kujatikizya koonse kwa misila yakwe, a

busena bwakuba a kutaba. Obo Johane mbwa kabede. Jezebele wa kasola kujaya Eliya, wakakonka ku tuleza twakwe kuti uyo gonka mutwe wakwe. Mbubonya Herodiya mbwa kacita. Mwabona?

⁹⁸ Lyoonse amulangilile mulumbe wabo, amulangilile eco nco bakacita. Lino tu jana kuti noba kalanga musule a kubona eco Bbaibbele nco lya kaamba, akulanga bupange bwa muntu a nzila mbwa kalondokede mu ciindi a Magwalo a zintu zyoonse, ba keelede kuziba kuti wakali nguwe. Kutandila bali cisambomwe baka cizyi. Mbo mbubo. Kutali kwiindilila bali cisambomwe kuti baka cimvwisya. Ba kanka kuyo mumvwa, pele tii baka Li syoma. Mwabona? Nkaamboonzi? Tii baka syoma citondezyo ca cisinsimi mu oora lyabo.

⁹⁹ Amubone, ba kamuseka, kaba mwiita kuba umwi “sikwindilizya, wamusokwe, wataka jisi lwiyyo lwa ku cikolo, ‘hiti, hain’t, tote, kubweza, kuyandaula,’ aamwi aambi.” Mbuli cilengwa bala mubeteka kwiinda ku lwiyyo lwakwe. Bala mubeteka kwiinda ku bwaambe bwakwe bwa cisyobo ca mabala, kwiinda ku nzila mbwa kali kusama. Wa kasamide kabeela ka cikutu cambelele koonse, alimwi kasamide bbeluti wa cikutu ca nkamele, wa kajisi boya koonse. Keenda kuya mu maanzi; kwiina mbungano, kwiina zyuuno, kwiina kubelekela antoomwe; tii bakakonzya kutambula eco; bakali kukomba kaleza ka nyika. Mwabona?

¹⁰⁰ Ta ndipandululi kwaamba eno kuti taakwe basinsimi babeji abo bayutuka, mbuli Jambresi a Janne. Pele pele nzila njo muyanda kucita, nku lingula mulumbe mutaanzi kwiinda ku Ijwi, mpawo mwa umvwa; mbukkalo nzi momubede, a eco caka sinsimwa ku bukkalo obo.

¹⁰¹ Mpawo cisinsimi ca Johane caka simpikizigwa mu ncililano ya Leza Mwini. Amulangilile mbo kulondokede. I Bbaibbele lya kati, “I Ijwi lya Mwami lila boola ku musinsimi.” Elyo Jesu wakali Ijwi. Elyo Johane waka sinsima zya kuboola kwa Ijwi ku kuzulizigwa; alimwi Jesu, Ijwi, kaboola ku musinsimi, mu maanzi. Oh, obo mbo cili cibotu! Obo kuta kakilwa i . . . Mwabona? I Ijwi lyakali cintu ceenzu mu buzuba obo. Mpaawa kwaboola musinsimi, kaamba, “Ndili jwi lya Ijwi.”

Ba kati, “Ino tweelede kucita nzi?”

¹⁰² Kati, “Ta ndeelede kwaangulula mabbusu Aakwe. Pele kuli Umwi wiimvwi aakati kanu, ku busena bumwi, Uyo oba Umwi oyo uya ku mubapatizya a Muuya Uusalala a Mulilo. Cipupuluzyo Cakwe cili mu janza Lyakwe, nkabela Uyo salazya cakumaninina cibuye Cakwe, a kutenta buungu a mulilo uutazimiki, kutola museke ku butala.” Oh, ino musinsimi! Jesu wa kati kwiina nokwakali muntu wakazyalwa ku mwaanakazi wakali mupati mbuli mbwa kabede, kusikila buzuba obo. Oh, obo mbo kwakali kwaamba kwa coongo!

Obo mbwa kazi awo mpakali kwiimvwi! Wa kalizi ncobeni. Wa kamvwa kuzwa kuli Leza, alimwi cakali eendelene aa Ijwi, aboobo wakanyina makani eco bantu nco bakaamba. Wa ka Li kambauka a ku Li sinsima, muzila iili yoonse. Elyo amulangilile, ciindi muntu aaminina eco cili Bwini, mpawo Leza ulelede kusimpikizya muntu oyo i Bwini.

¹⁰³ Cindi Musa nakainka ku musanza kuya mu Egepita, a kwaamba, “Nda kali mu nkanda mulaale, elyo Nda kabona cisamu kaciyaka mulilo, nkabela tii cakapya. Nda kainka kutala lya cisamu, alimwi, ciindi ni Nda kacita, ngooyo Musumpululu wa Mulilo kaulengelele mukati muya. Elyo Jwi lya kati, ‘NDIME UULIKO LYOONSE.’ Elyo Wa kandaambila kubweza kasamu aaka a kuboola ku musanza kuno a kucita maleele aya, nkabela Leza uyo simpikizya Ijwi Lyakwe.” Katandabika kasamu kakwe, mpaawo kwa kaboola ntabwa a nzinini, a mudima azimwi zimbi. Elyo mpawo kusimpikizya musinsimi oyo, Wa kajosya basyomi abo nkonya ku cilundu, alimwi Leza wakaseluka aansu mu Musumpululu wa Mulilo nguwenya, mpoonya a cilundu nciconya, a kutondezya kuti oyo wakali luleme.

Lino amulange eco Ncaa cita mu buzuba bunu. Mbubonya.

¹⁰⁴ Lino, Ijwi liboola ku musinsimi a ku musimpikizya kuba muntu wakasimpe, nguonya muntu oyo Magwalo nga kaamba kuti mbwa yooba. Cakufwambaana eno. Pele, alubo, Jesu wa kaboola mu ciimo caandene kuzwa ku bupanduluzi bwakaambwa aa bantu ibwa cisinsimi. Bantu baka pandululu eco ca keelede kuyooba. Cili masimpe. I bana Presbyteria bayeeya kuti ceelede kuba mbabo. Amulangilile cindi Leza nacita cintu cili coonse, amulangilile tubunga toonse tumbi mbo tubuka aakamwi. Iiyi, lyoonse cakali munzila eyo. Bali jisi ba Jambresi a Janne ku masena oonse. Amubone, ba kaamba cibeela ca Ijwi. Pele, kweendelana ku Ijwi lya musinsimi, Malembe oonse!

¹⁰⁵ Tii baka cibona alubo, mbuli cilengwa, ka Mwiita kuti musondi, “dyabulosi; Bezebule,” alimwi Wa kalibamba Leza Mwini, kakuli ba keelede kuziba, kwiinda ku Bbaibbele lyabo ndyoonya, kuti Wa kali Leza.

Amubone, Wa kasinsimwa aa Isaya, Isaya 9:6, kati, “Zina Lyakwe liyo tegwa I Leza Singuzu, I Taata Uuteeli.” Takukabi limbi matata kuzwa oyo, nkaambo Wa kali Taata mutanzi ku matalikilo, Ngu Taata alikke; kati, “Muta iiti muntu uuli oonse aa nyika eyi, ‘Taata,’ naa, kuzwa oyo.” “Ngu i—I Leza Singuzu, a I Taata Uuteeli, I Sinkuta, I Mwaami wa Luumuno.” Cili masimpe.

¹⁰⁶ Lino, ba kacita kuli Nguwe ezyo zyoonse basinsimi nzoba kayanda kuti bayo cita, mbubonya buyo mbo bali mukucita muli mbubonya obu Bukkalo bwa Laodikeya, ku Mu bikka aanze lya mbungano. “Boofu, basicinswe, elyo taba cizyi.”

Mbubonya eco musinsimi nca kaamba, musinsimi wa Bbaibbele. Bakoofwazigwa aa tunsiansiya twa bantu, baka Mu bikka aanze, Ijwi aanze lya mabungano aabo, mbuli cilengwa, mbuli mbo kwaka sinsimwa mbabo.

¹⁰⁷ Amubone eno, cakufwambaana eno. Muta kacilwi kubona eci eno. Nceeci cibalo, obo Jesu mbwa kalizibya Mwini kuli basikwiiya abo bobile kuti Wa kali Mesiya wabo! Lino, meso oonse nzila eyi. Alimwi aanze ku cisi, muta kacilwi kubona eci eno. Twa sola ku mwaambila kuti Bbaibbele ndi Ijwi lya Leza, lyakalebwa aa Leza Mwini, kwiinda ku milomo a ku zibelesyo zya bantu. Leza inga walemba, Mwini. Leza inga waambaula, Mwini. Leza inga wacita eco Nca yanda, pesi Wa kasala muntu kuti acicite nkaambo muntu oyo waka Li lemba ngu cibeela ca Leza. Aboobo, Leza wakalemba Bbaibbele. I bantu tii bakazi akwalo eco nco bakali kulemba, mu kuyeeya kwabo beni kwa buntunsi. Inga tii bazuminana aa Ndilyo, pele ba ka Li lemba. Tiiba kakonzya. I Bbaibbele lya kati, “Bantu bakale, mbuli mbo bakeenzegwa aa Muuya Uusalala!” Leza wakeenzya maanza abo, wakeenzya meso abo mu zilengaano. Tiiba kali kukonzya kwaamba cintu pele eco nco bakali kulanga. Tiiba kali kukonzya kwaamba cintu, nkaambo Wa kajisi bweendelezi buzwide bwa lulimi, kanwe, zibeela zyoonse zya mubili zyakali mu kongezezegwa kuzwide kuli Leza. Ta cigambyi Bbaibbele lya kati bakali baleza, bakali cibeela ca Leza! Wa kali buzule bwa Leza.

¹⁰⁸ Amubone nzila Jesu, i Ijwi, mbwa kabamba basikwiiya abo bobile bakatyokede myoyo bazibe kuteeti Wa kali Mesiya wabo, i Mesiya, Ijwi lyaka syomezegwa. Amubone eco Nca kacita, Wa ka kulwaizya ku cisinsimi. Amubone, “Bafubafuba, bakakilwa kusyoma koonse oko basinsimi nko bakalemba.” Lino, kwiina Na kati, “Ee, ino, ino mbungano yaamba nzi kujatikizya ncico?”

¹⁰⁹ Ba ka Mu pa kaano. Ba kalizi zicitike zyoonse ezyo zyakacitika. Bakali uuside boonse. Ba katalika ku Mwaambila, “Sena Yebo uli mweenzu kuno, na Yebo tozi eco cakacitika mu Jerusalema?”

¹¹⁰ Wa kati, “Nzintu nzi?” mbuli kuti Ta kazi. Mwabona, Ula cita zintu ciindi cimwi kubona buyo eco nco muyo cita aa ncico. Mwabona? Kati, “Nzintu nzi? Ino wakali ni? Ncinzi cakacitika?”

¹¹¹ “Sena Yebo uli mweenzu buyo?” Nkabela wakali kwaambaula nkoonya ku Muntu ngo bakapona aawe kwa myaka iili yotatwe a cisela, elyo tii baka Mu ziba.

“Nzintu nzi? Ncinzi cakacitika?”

¹¹² “Ee,” ba kati, “Jesu waku Nazareta, oyo wakali Musinsimi. Taakwe kuzumbauzya mu mizeezo yesu. Wa ali singuzu mu Ijwi a mu ncito kumbele lya bantu boonse. Twa ka Mu bona

kacita zintu cakuti Wa kalizibya kuti wakali Musinsimi wa Leza ku bukkalo obu. Tu lizi eco. Alimwi tula syoma kuti Wa keelede kuba Munununi, oyo Wa keelede kunununa Israyeli.”

¹¹³ Mpawo Wa kacebuka a kwaamba, “Nywebo no bafubafuba, bamuka ku myoyo kusyoma kuti koonse oko kwa kaambwa aa basinsimi kujatikizya Nguwe inga takukacitiki?” Mwabona? Amu Mu langilile eno kajokela ku cisinsimi. Ino nku tapatilwa ku basyomi, baka taminina ku Mu syoma!

¹¹⁴ Amubone obo Mbwa kalanganya ciyo. Kwiina nakaboola kuyutuka a kwaamba kuti, “Ndime Mesiya wanu.” Na kakonzya kucicita, nkambo Mbwa kabede. Pele amubone Wa kalizibya Mwini mu Ijwi, mpawo baka liinoziba. Ikuti Na ka caamba, Na kakonzya ku caamba nkabela ni catakaba boobo; pele cindi Na kainka a kutalika kwaambaula aali koonse basinsimi nko bakaamba kujatikizya Nguwe, nkabela baka ci bona, mpawo bakali kukonzya kulyaambilila lwabo, ikuti na bakali bana ba Leza. Pele wakajata ku swiilila kwabo kuli eco basinsimi ncoba kaambide kale a kwaamba kuti bayandaule mu ciindi kuti Mesiya, bukkalo Bwakwe, inga uyo yubununwa. Walo, mbuli Johane, kalekela Ijwi, Bbaibbele, kuzibya Mulumbe wabo. Kufumbwa musinsimi wabwini inga wacicita. Inzya. Ta kayutuka a kwaamba, “Nde Ndime. Ndili...” Oyo tali musinsimi wabwini iwa Leza. Mwabona? Pele Wa kati, “Amu joke mu Magwalo.” Mwabona, Ta kakilwi nzila Yakwe ya kucicita. Mwabona?

Wa kati, “Tuli muzyi Musa.”

¹¹⁵ Wa kati, “Ikuti no mwaka muziba Musa, nomwa ka Ndi ziba.” Wa kati, “Musa wakalemba kwa Ndime.” Kati, “Amulingule Lugwalo, muli Ngawo muyeeya kuti muli jisi Buumi Butamani, nkabela Lugwalo ndo lu Ndi lungulula. Kamuya a kulanga mu Lugwalo a ku cibona.”

¹¹⁶ Mpaawa Ta konzyi kucinca nzila Yakwe ya kucicita, tana kucinca. Ta konzyi kucinca, nkaambo Ngu Leza uutacinci. Mwabone? Amubone Wa kajokela nkoonya kuli basikwiiya abo bobile, Kleopa a mweenzinyina, mu mugwagwa kuya ku Emau, alimwi wa kati, ka kulwaizya ku Magwalo kuli mbabo, kati, “Nkambonzi neo muli bafubafuba maningi kutasyoma Ijwi eelyo lyoonse basinsimi ndyo bakalemba kujatikizya Mesiya nca keelede kuzulizya?” Oh, ino mbuzuba!

¹¹⁷ Johane wakacita cintu nciconya. “Amulingule Magwalo, amu lange musule, kati kuyooba ‘jwi lya umwi woompolola mu nkanda.’ Nko kuli nko Nda kazwida?” Mwabona? Nkokuti, eco cakeelede kucibamba aantangalala kuli mbabo. Ncibotu!

¹¹⁸ Ceelede ku cibamba aantangalala sunu, cintu eco nco tubona Muuya Uusalala ncouli mukucita. Wa kaamba cindi comwe, “Amulingule Magwalo.” Elyo tu... Uyanda ndiswe kucicita sunu.

119 Amubone, Wa katalika a cisinsimi ca Musa, Bbaibbele lya kaamba, “Wa, katalikila aali Musa a basinsimi boonse,” pele Wa katalikila aali Musa. “I Musinsimi,” kati Musa, “i Mwami Leza wanu uyo busya aakati ka bantu, aakati ka bantu. I Mwami Leza uyo busya Musinsimi.”

120 Lino inga Na kaamba, “Kleopa, a mweenzinyoko awa, sa Musa ta kaamba eco mu mazuba aya kuti Mwami Leza uyo busya Musinsimi? Nkabela oyu Muntu ngo baka bambula, sena Wa kakwanya ceelelo eco? Lino, Musa waka sinsima eci. Nkabela eco kwiina nomwa kajisi musinsimi kwa myaanda a myaanda ya myaka, alimwi awa Muntu oyu wakabuka. Alimwi nguni wakali sikusololela wa Muntu oyu, sena mwaamba?” Mwa cimvwa na? Alimwi basinsimi boonse bakaamba kujatikizya Nguwe, ku bukkalo Bwakwe, Wa kaambaula kuli mbabo. Ngu masimpe cakali ku botelezya kuli Nguwe. Sena nomwa takayanda ku Mu mvwa? Ne nda kayanda ku Mu mvwa, ku Mu mvwa, eco Nca kaamba kuti basinsimi ncoba kaamba kujatikizya Lwakwe, pele kwiina Na ka caamba kuti wakali Nguwe. Wa ka batondezya buyo kwiinda ku cisinsimi. Wa kaamba buyo, “I musinsimi wakaamba kuti ciyo citika.” Mwabona?

121 Atu jokele buyo kwa maminiti masyoonto, alimwi lino atu swilile ku Majwi akabalululwa kuzwa kuli nguwe Mwini. Amulangilile awa, Ijwi Lini kali balulula Ijwi Lyakwe. I Ijwi Lini kali balulula Ijwi Lyakwe. Kutali ku baambila kuti Wa kali eco, pele amulekele buyo Ijwi li Lyambilile, mpawo bayo ziba kuti Obo Mbwa kabede. I lugwalo lwa Ijwi, kali balulula Ijwi mu... I Ijwi mu nyama, kali balulula Ijwi lya lugwalo, kali liziya cabuzule a Nguwe. Amulange awa, lino atu swilile kuli Nguwe kabalulula. Obo... Lino, tu lizi kuti boonse bakali aambilidwe makani aa zyakazwaa kucitika, nkokuti, zya kubambulwa a zya kaano ka bubuke, i kabanda, mbuli mbo twazwaa kubala. Lino Wa kainka nkoonya ku Ijwi lya cisinsimi kujatikizya Lwakwe. Lino atu yeeye buyo eco Nca kaamba eci; Wa kaamba kunji kwiinda eci, pele amulangilile.

122 A twaambe Nguwe... ku Mu mvwa kaamba, “Amu jule kuli Zekaria 11:12. Elyo sena Mesiya ta keelede kusambalwa, kweendelana aa musinsimi, ku nsiliva zili makumi otatwe? Nywebo mwaamba buyo kuti Muntu oyu wa kasambalwa nsiliva zili makumi otatwe. Amu jule...” Mwaajana na Magwalo? Zekaria 11:12. Elyo mpawo Wa kati, “Sena mwakaziba eco Davida nca kaamba mu Ntembauzyo, Ntembauzyo 41:9? Wa kaabwa aa beenzinyina Bakwe. Elyo mpawo alimwi, muli Zekaria 13:7, Wa kasiigwa aa basikwiya Bakwe. Elyo mu Ntembauzyo 35:11, katamikizigwa aa bakamboni babeji. Nywebo mwakaamba buyo kuti Mbwa kabede. Isaya 53:7, Wa kali ciumumu kumbele lya basikutamizya Bakwe. Isaya 50:6, baka Mu kwibbaula,

musinsimi wakaamba. Ntembauzyo 22, Wa keelede kulila aa ciingano, 'Leza Wangu, Leza Wangu, nkaamboonzi Yebo wa Ndi siya?' Sena Wa kacita eco, izona sikati? Ntembauzyo 22 alubo, 18, zikobela Zyakwe zyakaabanwa aakati kabo. Sena bakacita eco? Alimwi Ntembauzyo 22:7 kusika ku 8, wakasabulwa aa basinkondo Bakwe, mbungano. Ntembauzyo 22 alubo, kwa kanyina cifwa mu mubili Wakwe ca keelede kupwaigwa, pele 'ba kayasa maanza Aangu a matende Aangu.'" Wa kaamba. Kajisilidi maanza Aakwe kusule Lyakwe, kakutakwe kuzumbauzya, ku ciindi. "Isaya 53:12 kaamba kuti Uyo fwa aakati ka basimilandu. Isaya 53:9 kaamba kuti Wa kazikwa aa muvubi. Ntembauzyo 16:10 kati, 'Nse kasiyi buntu Bakwe mu gehena, alimwi Nse kasiyi Umwi Wangu Uusalala kubona kubola.' Alimwi sa takali Malaki 3 sikusololela wa Muntu oyu?" Oh, ni Nda kayanda ku Mu mvwa kabalulula eco. Amulange ku zisinsime! Amubone, mpawo zitondezyo zyoonse inga Nzya keelede kwiinda mo, kujatikizya Izaka, mu Matalikilo 22, obo Leza mbwa katondezezye kale Izaka, obo taata Abrahamu mbwa kabweza mwana wakwe wini, kalundika nkuni aatala aa kalundu, a kutuula kutala mwana wakwe wini.

¹²³ Ca katalika eno kumvugwa maningi muli mbabo. Wa kaba baambila kuti bakali bafubafuba nkambo kakutalanga ku cisinsimi ca buzuba obo. Elyo eno ca katalika kumvugwa maningi, katalika kubona kuzulizigwa kwa koonse oku kwa kacitika mu mazuba masyoonto aakainda, mu myaka yobile na yotatwe yakainda, cisinsimi caka simpikizigwa ca bukkalo. Ca kali mpawo kuti ba kaziba kuteeti Mweenzyina waka bambulwa, Jesu, waka zulizya Ijwi lyoonse lya ceeci. Oh, ca kali mpawo kuti bakaziba kuteeti oyo Muntu wakali Mesiya ncobeni, kuti-kuti Wa keelede kubuka kuzwa ku bafu. "I cuumbwe tii cakakonzya ku Mu sinkila. 'Nsi kalekeli Umwi Wangu Uusalala kubona kubola.' Taakwe Ijwi lyomwe lya cisinsimi likonzya kusola kukakilwa. Elyo Wa kabuka."

¹²⁴ "Mpawo batumwa aabo kunselelo ku kabanda cifumo cino bakali luleme. Wa buka kuzwa ku bafu. Ula pona. Ngu Mesiya oyo." Nkaambonz? Muta cikacilwi. "Micito yakwe, mulimo Wakwe a zintu zyoonse Nzya kacita zya simpikizigwa mbubonya ku Majwi ayo musinsimi nga kaamba kuti ayo citika ku buzuba buno. Eco cakacitita." Mpawo ba kaziba kuti wakali Nguwe, Mweenzinyina waka bambulwa, Jesu, kuti waka cicita. Ta cigambyi myoyo yabo nco yakapya muli mbabo mbuli Mbwa kali kwaambaula kuli mbabo. Lino ba keenda mamaile aali cisambomwe, alimwi cakaboneka mbuli ciindi cisyoonto.

¹²⁵ Elyo nceeci cintu cimbi ncoba kacita, nywebo mulizi, ba kajisi nkambauko ya maora aali cisambomwe aa cinsinsimi kuti casimpikizigwa. Eco ncecico Nca kwaambaula kuli mbabo

mu mugwagwa. Mboba katalikila buyo kuya buselemuka mu mugwagwa, Wa kabunuka, nkambo Wa kali nkonya kuya ku Jerusalem. Maoora aali cisambomwe kumuka-i...kumane, ma falong'u aali makumi aali cisambomwe, ba kali nkoonya kunselelo lya mugwagwa wa mamaile aali cisambomwe kuya ku Emau. Obo mbo cakabede. Elyo Wa kakambauka, katondezya cisinsimi kwa maoora aali cisambomwe. Muta ndipi kaambo aali yangu ya otatwe, mpawo, mwabona. Mwabona? Pele amubone, ba kakambauka...Walo...Ba kamvwa nkambauko ya maoora aali cisambomwe aa cisinsimi kaci tondezegwa, kacisimpikizigwa.

¹²⁶ Lino cakali kuya butandila ciindi caku mangolezya. Nywebo mulizi, Ngu mbobuca nguwenya, sunu, amuya myaaka. Ca kali mpawo kuti Wa kajula meso abo kuti bazibe Hebrayo 13:8, Ngu mbobuca nguwenya, sunu, amuya myaaka. Ku ciindi caku mangolezya, zintu zicitika zila lungululwa aa cisinsimi. Eco cicitika mu oora lyasunu inga calizibya mu buteteete ikuti na muyo syoma cisinsimi ca oora.

¹²⁷ "Iiyi, bafubafuba, bakakilwa kumvwisya, bakakilwa kusyoma (mula zumanana ku ciyeeyesya), kusyoma ezyo zyoonse basinsimi nzo bakaamba kujatikizya Mesiya, sa inga ticaka citika?" Lino Wa kalingula twaambo otu toonse musule nkabela wakatondezya eco musinsimi nca kaamba kuti ciyo citika. Mpawo ba katalika kumvwisya. Aboobo Wa kati. . .kacita mbuli kuti Wa kali kuyanda kwiindilila. Baka mubotelwa Muntu oyu. Ba kati, "Yebo, Wa tupa cintu cimwi. Tii twali kuyeyele eco. Ula pona ku busena bumwi." Ba kali kwaambaula kuli Nguwe, tii ba kacizyi. Aboobo Wa. . .alimwi kwiina kuzumbauzya Wa kaba langa cakuusa, alimwi Wa katalika kweenda ku mbali, pele Wa—Wa kali kulindila mbabo kuti ba Mu tambe. Eco ncecico Nca lindila sunu masiku, kuli ndinywe kuti Mu mutambe.

¹²⁸ Amubone, cindi basikwiiya abo nobaka Mu tamba kunjila ku luswaanano lwabo koonse ku tafule, ca kali mpawo kuti Wa kacita cintu cimwi mbubonya buyo Mbwa kacita kakutanaba ku bambulwa Kwakwe, nkabela meso aabo akajuka. Ba kaziba cianza Cakwe, buboneki Bwakwe. Ba kalizi Nca kacita, elyo Wa kacita mpawo mbuli Mbwa kacita kaindi. Elyo ba kati, "Oyo ngo Nguwe!" Elyo cakufwambaana bakabuka a ku cuumina moompompo, nkabela Wa kazimaana. Elyo oko nko bakatola maoora aali cisambomwe kuswiilila nkambauko eyi, ndiza maminiti aali makumi obile bakaubilwa kweenda kujoka kuyo ambila bamwi babo, "Wa buka ncobeni. Ula pona kasimpe."

¹²⁹ Beenzuma, oko nkuzulizigwa kwa Malaki 4, Musalali Luka 17, Musalali Johane 15, oh, manji loko, Ciyubunuzyo 10, zisinsimi zinji loko zikonzya kutondekwa kwini ku buzuba buno. Elyo akwalo mu Bbuku lya Marko a muli Matayo, oko Nkwa kaamba zitondezyo eezi zipati a zigambyo

kuti ziyo libonya mu mulengalenga, elyo bantu baka ziita kuti ndeke, ndeke zyeenzegwa aaba ku manyika aambi, konzya—konzya kuzimaana a nguzu a ciimo cakubinda kwa muyeeyo, bupampu obo bukonzya kunjila mukati. Inga walembe, Inga waambaula, Inga wacita kufumbwa cintu Nca yanda. I Musumululu wa Mulilo mupati, “mbobuca nguwenya, sunu, amuya myaaka.” Elyo zintu zikweelelezya ka ziboola aa nyika, ma piramidi aa busi kabusuka mujulu, kutala kulaale oko kutakonzyi kuba mudumo nanka cintu, mamaile aali makumi otatwe kuya kujulu. Cakaambwa kuyooba mwaka a cisela kacitana citika, kuti ciyooba boobo. Mpawo amunyone cifoto a kubona Oyo uulangide aansii. Taakwe Ijwi lyomwe lya kasola kukakilwa elyo lya kaambwa, alimwi ndeeli Ijwi lya Leza lilembedwe, kali tondezya kuti ngu Bwini. Elyo ngu ciindi caku mangolezya alimwi. Nda yeeyela ikuti na inga Wa bweeda, kwiinda ku luzyallo, sunu masiku a kucita cintu cimwi eno mbuli Mbwa kacita kaindi. Atu kombe a ku Mu lombaa. Zintu zicitika zilungululwa aa cisinsimi cakasimpikizigwa.

¹³⁰ Leza Singuzuzyonse, ko tugwasya. Ko tugwasya, oyandwa Leza, ku mvwisya, ku mvwisya zintu ezyo nzyo tweelede kuziba, ku mvwisya Ijwi Lyako. Elyo eno, Mwami, twa swiilila nkambauko eno kwa myaka iitandila ku zyuulu zyobile, malembo aa mabbuku. Alimwi mu mazuba aya aa mamanino awa casobelela kujoka ncobeni alubo, alimwi eno citandila ku ciindi caku mangolezya. I bana Methodisti, bana Baptisti, bana Presbyteria, a banji babo muciiindi coonse ca bukkalo bakaambaula kuli Nduwe, alimwi ndiza mu lweendo buyo lwa buzuba obu bupati obo bwatakali masiku na iskati, mbuli musinsimi mbwa kaamba, pele mu ciindi caku mangolezya kuyooba Mumumi. Jesu wakabuka kuzwa ku kabanda a kulibonya kuli Simoni a ku banakazi, alimwi wakabatondezya kuti Wa kali muumi. Eco cakali cifumo. Alimwi mpawo ku mangolezya Wa bweeda alubo. Pele Wa keenda kuya kuli mbabo kwiinda mu buzuba, kaba tapatila nkambo ka boofu bwabo, pele mpawo Wa kalizibya Mwini kuli mbabo mu ciindi caku mangolezya.

¹³¹ Leza, ko boola mu luswaanano lwesu sunu masiku olo ndo tujisi koonse ku Ijwi. Leza, cila syomwa mubuce loko sunu aakati ka bantu, pele Ndili lumbide kuti kuli bamwi abo Mbo kaita a kusala ku Buumi Butamani, nkabela Wa kati, “Boonse abo Taata mba Ndi pa bayo boola.” Elyo eno kuciindi Mimuni yaku mangolezya noili mukumweka, kuciindi Yebo nozumizya, Mwami, kuti taakwe cisinsimi comwe (kuzwa ku myaanda ya ezyo zya kaambwa) yasola kukakilwa ciindi comwe. Mpawo cancobeni ikuti na eco cilazibya, ceelede kuba Nduwe, nkaambo kwiina muntu uukanzya kuba uululelme obo maningi. Mbuli buyo Bbaibbele, taakwe muntu uukonzya kulemba, kwiina umwi mu ciindi ca myaka iili cuulu

amyaanda ili cisambomwe, kwiinda ku balembi bandeene bali makumi one, bakonzya kulemba, nkabela kwiina bulubizi bumwi muli Ndilyo.

Oyandwa Leza, Nda lomba kuti Uyo liyubununa Lwako sunu masiku, zya ba Hebrayo 13:8, kuti Nduwe mbobuca nguwenya, sunu, amuya myaaka. Nkabela milimo Njo kacita kaindi, Ko cita sunu. Alimwi Wa kacisyomezya, Wa kati, “Ku mazuba aya aaku mamanino, cindi nyika noikkede mbuli Sodoma a Gomora, lupilingano.” Twa langa ku balombe aaba mbubonya buyo mbuli basimbi, kabasama zisani mbuli mbabo, alimwi—alimwi basimbi kabasola kulilemeke mbuli balombe, akubona banakazi a baalumi mu bukkalo obu bupilingene, kubona kukweelelezya kwankwela kwaba i—i mutuni wa bukombi. I Makani mabotu atontelwa aanze ku lubazu lumwi, a ciimo cacinswe mu mbungano ya Laodikeya. O Leza, ino ndi oora! Koboola, Mwami Jesu, kolizibya o Mwini kuli ndiswe. Nkambo twa cilomba mu Zina Iya Jesu.

¹³² Lino kuciindi nomu koteme mitwe yanu, meso aanu kaafwinyide, Ndiyo lomba cintu cimwi. Mula syoma kuti Leza uli aano? Sena mula syoma kuti zintu Nzya cita sunu ngu cisinsimi cili mukuzulizigwa? Sena mula syoma kuti Jesu Kristo ngu mbobuca nguwenya, sunu, amuya myaaka? Sena mula syoma cindi Na kali aano a kuyubununwa mu mubili wabantu ku buzuba obo, alimwi milimo eyo Nja kacita kuya, ya keelede kuloola alimwi mu buzuba buno? I musinsimi wakaamba boobo. I Bbaibbele Iya kaamba boobo. Oonse Magwalo eelede kuzulizigwa, ta cikonzyi kukakilwa. Mbobuti Mbwa kalizibya Mwini? Kwiinda mukuba Musinsimi oyo Musa ngwa kaamba. Kaziba maseseke aa myoyo ya bantu. I mwanakazi wakaampa cikobela Cakwe, Wa kacebuka a kwaamba, “Lusyomo lwako lwa kufutula.” Cindi Simon Petro na kaboola kuli Nguwe, Wa kalizyi zina Iyakwe, ka mwaambila kuti wakali ni, obo bawisi mbo bakabede. Alimwi oyo nguwenya Jesu mubotu loko tafwide pe, Ula pona lyoonse. Kulumbaizya kube kuli Leza! Elyo Nda syoma, mu ciindi eci cacu mangolezya eno, Wa twiita antoomwe alimwi.

¹³³ O Mwami Jesu, koboola aakati kesu. Uta twiindi aambali. Koboola, kokkala busiku boonse andiswe mane busiku obu bumane, mpawo tu lekele kuunka a Nduwe juunza; kuti inga twa Ku ziba mu nguzu zya bubuke Bwako, kutegwa luyando Lwako a luzyalo a luse zibe aa ndiswe. O Leza Uutamani, kopa zintu eezi. Tu lizi kuti Leza alikke luzutu nguukonzya kuzipa.

¹³⁴ Mu ciimo cakusinizya kwa oora eeli, tu lekele twaambe eci. Leza, Taata wesu, nyama yesu ngu cilawo citakwe ankociya kuli Nduwe. Pele, Mwami, lekela luzyalo Lwako iilusalazya, Muuya Uusalala Wako, kuboola eno. Tusalazye kuzwa ku kuzumbauzya koonse a kunyongana koonse, kuyeeyela koonse a bweende boonse bwa ciimo cakudoneeka kuti inga

uyooba muli ndiswe, kuti tukonzye kwaanguluka kakutakwe kuzumbauzya; kuboola kumbele, kulyaambilila munzila ya camba mbuli Petro, “Yebo nduwe Kristo, mbobuca nguwenya, sunu, amuya myaaka.”

¹³⁵ Tula syoma kuti Ijwi Lyako Mbwini, Mwami. Tu lekele kubona buyo, katutana talika mundando oyu wa mipailo, Mwami, koli yubununa Lwako kuli ndiswe. Mbuli Mbo kaamba, “Mbuli mbo cakabede mu mazuba aa Lota,” cindi Abrahamu, nkamu eyo yakaitwa kailindila mwana wa cisyomezyo, Lota kuselelo kuya kaswiilila Billy Graham a Oral Roberts basunu ku bubambe obo bwakabungwe kuselelo kuya, mbuli cisi. Pele Abrahamu wakali mwenzu katakwe kabunga kali koonse, nkamu eyi buyo niini kaituntulika kwiinda mu nyika eyo nja keelede kuba sikukona. “Elyo babombe bayo kona nyika.” Buzuba bumwi, kungsi aa cisamu, kuciindi noba kakkede, kabalyookezya, Leza wakaseluka mu ciimo ca Muntu. Baangelo bobile bakaunka kuselelo mu Sodoma. Elyo Leza, mu mubili wabuntunsi, wakatondezya kuti Mbwa kabede, Wa kati, “Abrahamu, uuli kuli mukaintu wako, Sarah?” I mazuba masyoonto kakutanaba eco, wa kali Abram; a S-a-r-r-a, Sarra; kutali Sarah, “namalelo.” Elyo Wa kamwiiita ku zina lyakwe lya namalelo, mwana musimbi wa mwaami. Wa kaita Abrahamu ku zina lyakwe, Abrahamu, wisi wa masi. Alimwi Wa kati, “Ndiyo mu swaya.”

¹³⁶ Leza, obo moyo wa musinsimi oyo mbo kweelede kuti wakadunta! Wa kali Ku zyi Yebo ndyoonya eelyo. Ta cigambyi kuti wa kasanzya matende Aako, kagwisya zyoonse zyakulya ezyo nzya kajisi, a zibotu loko, ka cibikka kumbele Lyako. Wa kalizi kuti oyo wakali Leza kuya. Mpawo Wa kati, “Uuli kuli Sarah?” mbuli kuti Ta kazi. Elyo Wa . . .

¹³⁷ Abrahamu wakati kuli Nguwe, “Uli mu tente . . . walo uli mu tente, kusule Lyako.”

¹³⁸ Elyo Wa kaamba eco ca keelede kucitika. Elyo walo, mu moyo wakwe, waka Mu zumbauzya. Elyo mpawo Wa—Wa kati kuli Abrahamu, “Nkaambonzi Sarah wazumbauzya eco, kaamba mu moyo wakwe, ‘Zintu ezi tazikonzyi kuba?’ Sa kuli cintu cili coonse cikakila Leza?”

¹³⁹ O Leza! Jesu, Leza iwaka yubununwa wa Ijwi, Wa kati, “Mbuli mbo cakabede mu mazuba aa Sodoma,” nyika inga iyooba mu ciimo eco kakutanaba buyo lunyonyoko lwa nyika ya Bamasi, bubanze bwa Bamasi. Mpaawa mpo tubede, bana Sodoma ku bube buzwide! Elyo mpawo Wa kati Mwana wa muntu, oyo lyoonse waambwa mbuli “musinsimi,” inga uyo yubununwa mu oora eelyo. Kozulizya Majwi Aako, O Leza. Swebo, bana Bako basyoma, bala lindila a myoyo iisinizizye, ku tupa lusyomo, Mwami, kuti, ciindi twaba aa mundando wa mipailo, bantu bayo syoma. Ngu ciindi caku mangolezya,

Taata. Kolekela Mimuni yaku mangolezya ya Mwana wa Leza (Oyo Wakaliko, a Walo Uuliko, a Uyo Boola) kuliyubununa Mwini kwiinda ku cisinsimi eco Nca kaamba. Mu Zina Iya Jesu Kristo. Amen.

¹⁴⁰ Nda libambila lino ku—ku kombela balwazi. Pele ncintu ceenzu, nzila eyo cindi twaima kuno. Mpaawa Nda ima awa eno kubamba kuzundikizya kubuleya, a ku zibelesyo zyakukwabana koonse ku cisi, kuti Leza ucili Leza. Ta konzyi kukakilwa. Elyo eco Nca syomezya, calo Uyo cicita. Ta kakakilwi ku cicita, nkambo Wa kasyomezya kucicita. Aboobo inga Nda bikka kaanzambwene kasinizizye muli eco Nca kaamba. Aboobo Ndi langila Kuboola Kwakwe, Ndi langila Nguwe kulibonya ku ciindi cili coonse, nkaambo Wa kati, “Mu oora omo momuta yeeyeli,” nyika noyi ta yeeyeli, “mpawo Uyo libonya.”

¹⁴¹ Lino, mbuli mbo Ndi zyi...Ndili mu cikombelo cangu kuno, alimwi kuli bantu basyonto bakkede kuno abo Mbe—Mbe ndizi. Mukwesu Wright, basyonto ba baabo bakkede awa, abo bali moonya muni awa, Mbe ndizi. Pele kuli bunji bwanu mbe Ndi tazyi. Eyo Ta ndikwe nzila ya kwaamba eco Leza nca yoocita sunu masiku. Twa ka Mu bona kacicita kwa myaka a myaka yakainda, pele antela Ta kocicita sunu masiku. Ta ndizi. Eco cili kuli Nguwe. Ula lyeendelezya. Ula cita eco Nca yanda. Taakwe muntu uukonzya ku Mwaambila eco cakucita. Ula beleka mbuli cilengwa aalikke, mu bukanze Bwakwe a mu nzila Zyakwe. Pele nkaambo kakuti Wa kacisyomezya, Ndi Mu lomba kuti acicite. Kutali nkambo kesu, kuti tula ciyanda, pele ndiza ku kaambo ka beenzu bamwi, kuti Muuya Uusalala ube uunanikidwe...eno ku tunanika. Lino, tacikwe makani obo kunji Mbwa ndinanika, Uleelede ku munanika, a nywebo, kuti mu syome.

¹⁴² Lino Nda yanda kuba a mundando wa mipailo, nkabela Ndi yanda kukombela balwazi kunji mbuli mbo Ndi konzya. Lino, inga twa sala kuba a mundando, wa kwiita bantu a kubaleta aatala awa, mundando wa mipailo a kukombela bantu boonse kuno abo baciswa, Ndi yeeyela kuti, jisi bakwesu bangu bakutausi beelede kuboola kuno andiswe, a kubikka maanza aali ndinywe. Tula konzya masimpe kucita eco. Na inga twa lomba Taata wesu, Oyo uuli ngu Umwi luzutu uukonzya kumucitila cintu cili coonse, nkaambo maanza aangu ngu muntu buyo mbuli ndinywe aa bantu. Pele cintu ca ncico, talili janza Iya muntunsi eelyo licicita; ndi Ijwi Iya Leza. Lusyomo mu Ijwi eelyo ndo licicita. Taakwe cintu ca sayansi kujatikizya ncico, nca ciimo citali ca sayansi antoomwe.

¹⁴³ Taakwe cintu comwe Munakristo nca jisi mu zilwanyo zyakwe zya sayansi. Sena mwakalizi eco? Luyando, lutangalo, luumuno, busicamba, bubotu, lubombo, buuya, lukakaktilo, lusyomo, Muuya Uusalala, zintu zyoonse ezyo zitabonwi kwiinda ku sayansi. Ezyo nze zintu zilikke ezyo zya kasimpe

a zikkala ciindi cilamfu. Zintu zyoonse nzo mulanga zizwa ku nyika alimwi zijokela ku nyika. Pele zintu ezyo nzyo muta konzyi kubona ameso aanu, pele kubona Ci lalitondezya Cini, eyo ni nyika ya Butamani.

¹⁴⁴ Sa inga mwasyoma, ikuti na Leza waliyubununa Mwini a kutondezya kuti Uli aano kali muumi, kacita zintu nzizyonya Nzya kacita ku matalikilo, kwamana Mulumbe oyu, sa inga mwacizumina mbuli kuponesegwa kwanu? Akube kuti Leza acipe. Lino Ndi lombamba muntu uuli oonse mu ng'anda, takukwe makani na nduweni na oko nkozwa, Ndi mulomba buyo kusyoma cakusinizya Mulumbe oyu kuba Bwini. Oyo ngo Mulumbe oyo Leza ngwa jisi mu Bbaibbele Lyakwe wa oora eeli, kuti Jesu Kristo uuli aano sunu masiku alimwi muumi. Lino kutandila . . .

¹⁴⁵ Nyoonse nywebo no bantu muli ndizi, Ndili moonya muno mu dolopo oko Nko ndaka komenena. Ta ndijisi akwalo lwiiyo lwa ku cikolo ilwa bwaambe bwa cisyobo. Obo mbwini ncobeni. Elyo mwaka ndiziba kwa ciindi cilamfu, Ndi lombozya kuti ni Nda kapona kumbele lyanu ku mutondezya kuti Nda syomeka a kusinizya. Ta ndili sikuupaupa. Abalo basikundikazya ta baambi eco. Balo, ba laamba buyo kuti, “Toli—toli sikuupaupa, pele uli lubide buyo. Uli lubide buyo cakutaziba, kutali acaali.” Ta ndi syomi kuti Ndili lubide cakutaziba, nkaambo Ijwi lya Leza lila lunglula Mulumbe wangu, alimwi We elede ku mwaambila Oyo kuti Nguni. Alimwi mula ndimvwa caantagalala kwaamba kuti Ta cili ndime, aboobo mpawo Ce elede kuba Nguwe. Sa eco cili luleme? Amube a lusyomo muli Leza nkokuti. Amulange ku nzila eyi, nkabela a musyome Leza. Ikuti na mula konzya kusyoma Leza, Leza uyopa kuli ndinywe. Ikuti na Ula konzya kucita eco mbuli Mbwa kacita kale, mpawo Ucili Leza. Mula syoma eco na?

¹⁴⁶ Mula cisyoma na? I mulindu uukkede awa kumbele lyangu, uundi langide, misozi mu meso aakwe, cakusinizya. Ta ndi muzi na nguni, nsena mubwene. Ndi mweenzu kuli nduwe. Sena ula syoma kuti Leza ulizi maseseke aa moyo wako, kuyandisya kwako, na cibi cako, na kufumbwa mbo cibede? Sa uyeeya kuti Uli zyi? Sa uyeeya kuti inga Wa yubununa kuli ndime cibi cako mbo cibede, eco nco kacita, eco ncota keelede kucita, na kuyanda kwako, kufumbwa mbo cibede? Ikuti na Wa cicita, sa inga cakubamba ku Mu syoma, kuziba kuti weelede kuba Nguwe? Sa inga wacitambula kuba Nguwe? Ta cili cibi cako eco cikupenzya; waka lyaambilila eco. Pele uyanda lubapatizyo lwa Muuya Uusalala. Uyo Uta mbula. Nda Ubona kuuya aansii kuli nguwe.

¹⁴⁷ Kutu muzibe kuteeti Nda li kulanga ku mwanakazi, waa li kundilanga, Ndi yanda mutondezya Muuya Uusalala. Amulange kuno, nkoonya kuya ku mwanakazi oyu muniini uukkede awa, aansii ku matende aagu wa. Cindi ni Nda amba kuti, eco nce cintu nciconya nca yanda, ngu lubapatizyo lwa

Muuya Uusalala. Sa ula syoma kuti Uyo utambula, mucizi? Konyamuna janza lyako mujulu, nkokuti. Ta ndina mubene mwanakazi mu buumi bwangu, acaali.

¹⁴⁸ Amubone mwaalumi oyu uukkede awa uulanzizye mutwe wakwe aansi, uukkede nkoonya kuya, a kkola lyakwe kali tamukkede kabotu, azimwi zimbi. Yebo uciswa penzi lya subilo. Ula syoma kuti Leza inga wakubamba kuba kabotu na? Konyamuna janza lyako mujulu ikuti na wa Ci tambula. Ncibotu, Leza akupe kulomba kwako.

¹⁴⁹ Oyu mwaalumi mukubusyi uukkede mponya awa, uyanda lubapatizyo lwa Muuya Uusalala. Ula syoma Leza kuti uyo Lupa kuli nduwe; munene, a tai wako mulamfu uutuba kaulengelela kusule? Leza uyo cipa.

¹⁵⁰ Oyu mwaalumi awa ukombela mukaintu wakwe. Uli mu cikkalilo ca bapengede. Ula syoma kuti Leza uyo muponya, kumubamba kuba kabotu? Ula cisyoma na? Inga wa citambula.

¹⁵¹ A janza lyako kutala lya kameneno kako, ula syoma kuti Leza inga waponya bulwazi obo bwa moyo bukupenzya, elyo penzi lya mwida ndo jisi? Yebo ukkede awo, kopengede ndyoonya eno. Sa eco cili luzi? Ula syoma kuti inga Wa kuponya na? Nkokuti inga wa citambula. Ameni.

¹⁵² Nywebo mwabona kuti Ngu mbobuca nguwenya, sunu, amuya myaaka. Amu babuzye bantu abo, mubone na Ndili bazi. Ta ndi bazi, pele Uli bazi. Ameni. Mwabona Mumuni oyo ku lubazu lwa bulambo kutala, kaulengelela nkoonya aansi aa mwaalumi uukkede kuya. Uciswa bulwazi bwa boongo bwaku moongola ku musana wakwe. Ta zwi kokuno, uzwa ku Georgia. Ba. Duncan, kosyoma a moyo wako oonse, Leza ula ponya penzi eelyo lya musana. Yebo ula syoma a moyo wako oonse na? Leza aku longezye.

¹⁵³ Ngooyu mwaalumi uukkede kulaale awa, uujisi penzi lya musana, kandi langide. Ta ndi muzi pe, pele ngu Ba. Thompson. Ula syoma na? Ko nyamuka, munene, kusule kuya, kutegwa...Ndili mweenzu kuli nduwe. Mbo mbubo. Pele ukkede awo, kopaila. Penzi lyako lya musana lya ponesegwa eno. Jesu Kristo wakubamba kuba kabotu.

¹⁵⁴ “Ku yooba Mumuni kutandila buyo ku ciindi caku mangolezya.” Sena mwabona, Uli aano sunu masiku! Ngu UULIKO mupati. Ngu mbobuca nguwenya, sunu, amuya myaaka. Sena mula cisyoma? Sa mwakkutila a kulamwa kuti oyu ngu Jesu Kristo kali yubununa Mwini, kalizibya Mwini mu cisinsimi?

¹⁵⁵ Uta pengi a liso. Leza ulaponya balwazi a bapengede.

¹⁵⁶ Mbangaye bantu abo...Mbangaye bali mukati muno, balwazi? Atu bone maanza eenu. Ciboneka buyo mbuli kukwela a kufundiliza. Sena umwi wanu no bantu ujisi

makkadi aa mipailo? Ta ndizi nzila mbwenga Nda munjizya kwiinda awa. Ndi yanda ku mupailila, elyo Ta ndizi nzila ya kucicita. Nywebo mwabona cintu, amu lange ku bulambo, mbobuti mbo Ndiya kubanjizya kuya? Ino kuti ujisi mwakwiinda mumwi musyankene? Ujisi mumwi mumbi mujalene nkonya kuya, bantu boonse baumuna zii.

¹⁵⁷ Amu swiilile, mu ndimvwe. Sena Nda kasola ku mwaambila cintu cili coonse mu Zina lya Mwami cita eco cakacitika? Sa eco cili luzi? Zintu zyoonse zyakali luleme. Ta ndina kulomba kkbili lyomwe lya mali mu buumi bwangu, sa Nda kacita? Taakwe ciindi comwe. Kwiina ne kabweza mulumbo mu buumi bwangu. Ta ndili aano nkambo ka mali. Ta ndili aano kuti ndimucenge. Ndili aano kuyubulula Ijwi lya Leza ilya oora. Nda ka mwaambila Bwini, nkabela Leza wakalungulula kuti ngu Bwini. Lino Nda mwaambila, MBOBOBU MBWAAMBA I MALEMBE, kuti na musyomi wabikka maanza aakwe aa balwazi, Jesu wa kati, “Bayo pona!” Sena mula syoma eco? Nkokuti, mu Busyu bwa Leza, sa tamu syomi kuti Uyo cicita ndyoonya eno?

¹⁵⁸ Lino amu bikke maanza aanu ali umwi aumwi, alimwi mwaajatilile awo kwa kaindi kaniini. Lino, muta—muta kombi, amu bike buyo maanza aanu aali umwi aumwi; ku masena kuya mu cisi. A ndime, lwangu, Nda libikka lwangu aa tusila ootu. Lino Ndi yanda kuti mundilange kwa kaindi kaniini. Ino ncinzi eco Leza ncasiya citana manizigwa? Amulange obo Mbwa bede, eelyo Ijwi ndyo twabala, zisinsimi ezyo nzyo twaamba, kuti Jesu wakalizibya Mwini kwiinda ku zisinsimi. Lino amulange ku oora, a mvwiki eezi zyatatwe zyainda oko nko twakabikka oora eelyo ndyo tupona. Amulange kuli eco nco twabala, obo kujatikizya basinsimi babeji a zitondezyo ezyo zitandila kucenga basale. Obo Ijwi mbolya yubululwa, obo kaleza ka bukkalo obu mbo kaofwaazy a i bubeji. . . myoyo ya bantu. Alimwi a nzila Leza Mwini mbwa kaamba kwiinda mu zisinsimi Zyakwe kuteeti zintu eezi ziyo citika mu Bukkalo obu bwa Laodikeya. Taakwe cintu citana manizigwa. Leza uli aano Leza nguonya buyo oyo wakaambaula ku bantu aabo ku Emau, wa kalizibya Mwini kwiinda ku zisinsimi ezyo zya kaambidwe kale zya Nguwe, Uli aano sunu masiku kazibya Busyu Bwakwe kwiinda ku zisinsimi zyakaambwa kale ku bukkalo obu. Ngu mbobuca nguwenya, sunu, amuya myaaka. Sa inga mwacisyoma? Nkokuti amu bikke maanza aanu aali umwi aumwi. Uta likombeli omwini, pele mu nzila yako iini ko kombele muntu oyo mpo bikkide maanza aako, nkaambo bali mukukupailila. Lino amulange, muta zumbauzyi.

¹⁵⁹ Elyo eno ikuti ka mukonzya kubona eco nce Ndili mukulanga! Elyo nywebo mulizi kuti inga Tii ndamubejela, kandiimvwi awa. Ikuti na inga mwabona, nkabela lusyomo

lwanu inga lwakwela Muuya Uusalala oyo mupati oyo wazwetuka kabotu kutala kuya mu luwo—luwo, oyo sayansi ngo wakakkopa cifoto canguwo, a Ku bona kuuenda kwiinda mu buyake obu kausola kujana busena bwa—bwa kukkala, kusola kujana busena bwa majatililo. Ko Ci syoma buyo, mukwesu wangu. Wa cizibya kwiinda ku Lugwalo azimwi zimbi, obo mbombubo. Lino kokombela ca kusinzya muntu oyo ngo bikkide maanza; bali mukukupailila.

¹⁶⁰ Oyandwa Jesu waku Nazareta, baa, twa pempenukwa, Mwami, kwiinda ku Ijwi, kuti Uli aano, kwiinda ku cisymezyo kuti Uli aano, “Okobobile na botatwe nko babungene mu Zina Lyangu, Nkwendi aakati kabo. Nkabela ezi zitondezyo ziyo batobela abo basyoma; ikuti na babikka maanza abo aa balwazi, ayo pona.” Aanze kuya ku mayuwe aa telefooni eyi, akube kuti Muuya Uusalala mupati unjile mu mabunganga oonse. Akube kuti Mumuni Uusalala nguonya oyo ngo tulangide nkoonya kuno mu mbungano, akube kuti Uwe aali umwi aumwi, alimwi akube kuti baponesegwe ku ciindi eci. Twa tapatila sinkondo, dyabulosi, mu Busyu bwa Kristo; twaamba kuli sinkondo, kuti uli zundidwe kwiinda i—i ku kupenga kucitikide mukuyeeya, lufu lwa Mwami Jesu a bubuke bwa kuzunda ku buzuba bwatatu; a citondezyo Cakwe casimpikizigwa kuti Uli aano aakati kesu sunu masiku, kali muumi, kumane myaka iili myaanda ili kkumi afuka. Lekela Muuya wa Leza muumi kuzuzya myoyo yoonse a lusyomo a nguzu, a bukoza bwa kuponya kuzwa ku bubuke bwa Jesu Kristo, Oyo walizibya eno kwiinda ku Mumuni oyu mupati uuzunguluka mbungano, mu Busyu Bwakwe. Mu Zina lya Jesu Kristo, kocipa nkambo ka bulemu bwa Leza.

¹⁶¹ Akube kuti tusila otu nto tukombela, akube kuti twiinke ku balwazi a bapengede oko nko tukanzilidwe. Akube kuti Muuya Uusalala nguonya uuli kuno eno ulizibye Mwini, kulizibya Mwini aa balwazi boonse awo otu mpo tubikkidwe. Akube kuti Busyu bwa Leza buzuzye loko myoyo yabo a lusyomo kusikila malwazi aa mibili yabo aa ponesegwe. Eci tya lombaa, nkambo ka bulemu bwa Leza, mu Busyu bwa Jesu Kristo a mu Zina lya Jesu Kristo, mbuli ndiswe to balanda ba Jesu Kristo twa cilomba. Ameni.

¹⁶² Lino kuzwa ku myoyo yanu, Ta ndikwe makani a ceeco cilubide anduwe, sa inga, kuzwa ku myoyo yanu, syoma a myoyo yanu yoonse kuti Ijwi lya Leza lya mupa kulomba kwanu? [Mbunga yaamba, “Ameni.”—Mul.] Nda syoma kuti maanza oonse, mbuli mbo Ndi konzya kubona, ainka mujulu. Ikuti na mula cisyoma, eno amuyeeye, kwa mana.

¹⁶³ Nywebo aanze ku mawaya aa matelefooni, ikuti na mwasyoma a myoyo yanu yoonse, mbuli bakutausi mbo babikkide maanza aali ndinywe, alimwi bayandwa banu kababikkide maanza aali ndinywe, ikuti na mula syoma

a myoyo yanu yoonse kuti ca mana, ca mana. I Muuya Uusalala mupati, Uli aano mu cikombelo sunu masiku. Nda Ubona kaweeendeenda aa bantu, walitondezya Lwawo kubusena kuno aa luzabu lwa bulambo, nkabela waseluka aansi aa muntu, boola ansi awa alimwi aatala kwiinda mu buyake, kayubununa maseseke aa myoyo, cizibyo ca Busyu Bwakwe, ku tondezya kuti Ngu mbobuca nguwenya, sunu, amuya myaaka. Uli aakati kesu! Ngu Leza, Leza utasoli kukakilwa.

¹⁶⁴ Elyo sa myoyo yesu tii yapyia muli ndiswe, alimwi sena ulapyia eno, kuziba kuti eno tuli mu Busyu bwa Jesu Kristo wakabuka, kuli Nguwe akube bulemu a lulumbaizyo kwa lyoonse ku ciindi ciza; Oyo uuli mu cinkozya cizibya Singuzyonse Jehova; Oyo wakazwetuka kuya aansi mu ciimo ca Musumpululu wa Mulilo mu citeo ciyaka, kuti aongelezye kuswiilila kwa musinsimi; Oyo wakaseluka aatala aa cilundu, elyo kufumbwa muntu wakasola akwalo kuciguma wakajaigwa, kunze lya Musa a Joshua. Obo mbo cakabede kuti Wa kasololela bana ba Israyeli kwiinda mu nkanda, mu lweendo lwabo, mbuli cikozyanyo ca bantu bakaitwa sunu. Ngooyu Mpali, kwiinda ku kubbutukizya makani aa zyasayansi, akwalo wakalizibya Mwini kumbele lya sayansi. Elyo kwiinda ku micito Yakwe njiyonya a kwiinda ku cisinsimi Cakwe nciconya, zintu ezyo zyaka sinsimwa Nguwe kacita mu buzuba buno, ku Mu bamba kuba mbobuca nguwenya, sunu, amuya myaaka, wasimpikizigwa cakulondoka. Sena tacili cinji kubamba myoyo yesu kupya muli ndiswe? Leza amu longezye.

¹⁶⁵ Lino a kuzuminana komwe, atwiime a kwaamba: Nda tambula eno Jesu Kristo mbuli Mufutuli a Musilisi. [Mbunga yaamba, “Nda tambula eno Jesu Kristo mbuli Mufutuli a Musilisi.”—Mul.] Alimwi kwiinda ku luzyalo Lwakwe, [“Alimwi kwiinda ku luzyalo Lwakwe,”] kuzwa aa kutalikila oora eeli, [“kuzwa aa kutalikila oora eeli,”] O Leza, [“O Leza,”] talekeli kutasyoma [“talekeli kutasyoma”] kusola kunjila mu moyo wangu, [“kusola kunjila mu moyo wangu,”] nkambo Nda bona [“nkambo Nda bona”] cisinsimi [“cisinsimi”] ca buzuba buno [“ca buzuba buno”] cazulizigwa. [“cazulizigwa.”] Nda syoma [“Nda syoma”] kuti Jesu Kristo [“kuti Jesu Kristo”] ula pona [“ula pona”] elyo mpaawa eno [“elyo mpaawa eno”] kutondezya Ijwi Lyakwe [“kutondezya Ijwi Lyakwe”] lya oora eeli. [“lya oora eeli.”] I zisinsimi [“I zisinsimi”] ezyo zyakalebwa Nguwe [“ezyo zyakalebwa Nguwe”] eno zya zulizigwa aakati kesu. [“eno zya zulizigwa aakati kesu.”] Ngu Mufutuli wangu, [“Ngu Mufutuli wangu,”] Leza wangu, [“Leza wangu,”] Mwaami wangu, [“Mwaami wangu,”] ngu Koonse kwangu. [“ngu Koonse kwangu.”]

¹⁶⁶ Oyandwa Leza, komvwa bumboni bwesu. Elyo kotupa, buzuba a buzuba, Cinkwa ca Buumi. Elyo twa tuula kulumbaizya kuli Nduwe, O Leza, kuzwa kuni kwa myoyo yesu. Twa Ku lumbaizya, Umwi Singuzu, Leza wa basinsimi. Mu zina lya Jesu Kristo. Ameni.

Oh, ino mbocili cilemu, ino nciindi!

...syoma buyo;
Syoma buyo, syoma buyo luzutu,
Zintu zyoonse zilakonzeka, syoma buyo.

Twalombwa tu yimbe mbuli boobu.

Lino Nda syoma, oh, lino Nda syoma,
Zintu zyoonse zilakonzeka, lino Nda syoma;
Lino Nda syoma, oh, lino Nda syoma,
Zintu zyoonse zilakonzeka, lino Nda syoma.

Sa obo mbumboni bwanu? [Mbunga yaamba, "Ameni."—Mul.] Lino mbuli mbo tukotamika mitwe yesu.

Mane tu kaswaangane! mane tu
kaswaangane!
Mane tu kaswaangane ku matende aa Jesu;
Mane tu kaswaangane! mane tu
kaswaangane!
Leza abe a ndinywe mane tu kaswaangane
alimwi!

[Mukwesu Branham watalika kung'ung'una *Leza Abe A Ndinywe*, mpawo waambaula ku Mukwesu Neville—Mul.] Sena uyanda kwaamba cintu cimwi? Vayle.

...ku matende aa Jesu;
Mane tu kaswaangane! mane tu
kaswaangane!
Leza abe a ndinywe mane tu kaswaangane
alimwi!

¹⁶⁷ A mitwe yesu kiikoteme, Mukwesu Vayle uliimvwi awa kuti tuzumizigwe kuzwa ku mupailo. Mukwesu Lee Vayle, mulembi wa cikombelo kuno, wa zya malembo a mabbuku, azimwi zimbi. Mukwesu muyandisi maningi, wakali andime mu miswaangano minji mipati. Ndilombozoya kuti ni Nda jisi cindi ceelede ca kulekela bakutausi boonse, kwiima kuno a kwaambaula kuli mbabo. Nywebo mula mvwisya, Ndili masimpe. Bakutausi boonse, twa botelwa kuba a ndinywe kuno. Banabunji boonse, i bantu ba mabungano aandeene, kufumbwa bambi, twa botelwa kuba andinywe kuno. Alimwi mupailo wesu ncobeni kuli umwi aumwi, "Leza abe a ndinywe mane tu kaswaangane alimwi." A mitwe yesu kiikoteme, a maanza eesu kaatambikide, atu yimbe alimwi mububotu ncobeni kuli Leza.

Mane tu kaswaangane! mane tu
kaswaangane!
Mane tu kaswaangane ku matende aa Jesu!
Mane tu kaswaangane! mane tu
kaswaangane!
Leza abe a ndinywe mane tu kaswaangane
alimwi!



ZINTU ZICITIKA ZILUNGULULWA AA CISINSIMI TNG65-0801E
(Events Made Clear By Prophecy)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa ku mangolezya aa Munsondo, Iwvivi 1, 1965, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2016 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org